

普
天
直
隸
廳
志

晉安直隸廳志卷之二十一

藝文

文二

吏部主事楊彝墓誌銘

明沈 昂

楊彝字秉彝餘姚人少卓犖凡經史文章書畫之藝無不習而尤長於詩故當時有楊家兄弟最能詩之說
洪武初以人才舉爲沔陽倉副遷都察院司獄
鳳臺稟調福建長泰縣主簿仲子顯被誣獄死
長子志隸戍普安彝聞之赴京獻詩自陳上覽之

悅遷吏部考功主事往往朝士遇公卽曰黃金闕下
飛來也公詩末句丹心一點隨雲氣長繞黃金闕下
飛故云二十四年從駕之華山上覽勝賦詩稱旨乞
致仕就養戍居青衿濟濟爭執束脩暇日借緡紳游
宴嘯歌惟興所適雖仲宣客荊州子美寓劔南葭以
過之居東屯四顧皆松開軒其中扁曰萬松因自號
曰萬松老所著有鳳臺貴竹東屯南游諸稿古今律
選歌詞卒年八十沈勗銘其墓曰才兼行偉身與名
存雄詞藻翰蛟舞鳳騰

鐵索橋論

國朝田雯

唐明皇作橋於蒲阪夏陽津鑄鐵牛八植柱纜二十四連鎖十二山架八牧人入於中流分立亭亭如虹蜺之狀稱奇絕焉然此乃安流通津作之者易不若盤江鐵索橋之難且奇也盤江之源出自金沙入烏撒繞曲靖西道畢節七星關而注於安南入滇所必經也兩山夾峙一水中絕斷岸千尺湍激迅悍類天設以界滇黔不知莊躋當日何以飛渡也往以舟濟多墮溺明天啟間監司朱家民擬建橋而不可以石

乃仿瀾滄之制治鐵爲絙三十有六長數百丈貫兩巖之石而懸之覆以板類於蜀之棧而道始通其功偉矣然絙長則力弱人行其上足左右下絙輒因之升降身亦爲之撼揺眩掉不自持車馬必下前者陟岸後者始登若相躡則愈震其險也不可名狀邇乃濟之以木擇材之巨者數百排比之臥於兩巖水次鎮以巨石挂以強榦層纍而加參差以出鏹其本使固及兩木之末不屬者僅三十尺有四則又選圍可丈之木交其上而後行者可方軌聯鑣貫魚逐隊而

不驚也。猶且施之以欄楯，疇之以版屋，塗之以丹雘。
梵宇琳宮，鱗次於巖之左右，輝煌掩映如小季將軍
圖畫，遂爲西黔勝概焉。以視十二之連鎖直緯索耳，
況於沉江之陋耶。論曰：余聞之黔人矣。去盤江二十
里，由鎮甯僻徑西行，渡花河，厯普安，黃草壩，入傘鮮，
亦資孔水淺而路平，赴滇差便。乃何以萬里昆明舍
坦途而就艱阻也。明初傅湯諸人伐山開道，拓疆闢
土，之曰：豈其狃於成見而未之聞歟。抑盤江爲烏蠻
郎岱地，不欲其奇險，是恃故深思遠計，爲驛使往來。

之衢以通王會之車書也不然望站站之飛鳶以祀
神於金馬碧雞之境不已難乎

盤江考

晏斯盛

自莊躋畧地楸船且蘭而牂柯江始出然循江循沅
前後漢書異指江沅番禺莊躋唐蒙殊歸桑欽酈元
西南未覈山溪分合畧而不詳序旣著牂柯江論復
據遊覽所經考證圖志記其水道存隅識焉盤江廣
輿圖以爲牂柯江水水出滇南小金沙江至威甯府
界東南流爲可渡河有橋曰可渡橋山曰分水嶺威

甯舊烏撒衛也明鄭氏曰予弭節西南抵烏撒善德
歸驛驛門對可渡河堧詢水所從候吏稱水在西百里
注壑而出流爲盤江又曰越衛城北二百餘里有七
星關河源出芒部界濱城海子通水西境會可渡爲
盤江第山水峭險絨猯叢居以是人無因而至據今
七星關水爲分水嶺所界東出烏江不注可渡又小
金沙江一名北金沙江來自吐蕃由雲南麗江府之
塔城關入中國經鶴慶姚安武定東川諸府至四川
之叙州府與岷江合入於東海與盤江之從粵以入

南海者源流迥異則鄭氏後說與廣輿圖所載俱舛
矣可渡河又東南流迤西至木東汎有花魚洞水西
來注之又南至龍場汎有水自曲靖府流來注之又
南至安南縣東北有落白河自曲靖府界東流來注
之又東至永甯州西安南縣東是爲盤江有橋曰盤
江橋爲入滇孔道兩山夾行水勢湍駛不利操舟亦
難架石明參政朱家民治鐵爲絙懸兩崖間覆以板
東西各建樓堞行者賴之尋爲賊毀

國朝經畧洪承疇統大兵定滇濟此復完至今歲用修

繕不廢盤江又南至普安州東又南至九盤山迤東
至花江汎南有白水河得永甯州北之關嶺壩陵橋
水南流至鎮甯州西而南合菜子河水至甯谷司又
南合永豐州西北之打罕河南來注之又有拖長江
自普安州沙泥崖東南流來注之又有卜者河取諸
河東南流注之又南籠府有都威河自安仁縣界得
江西坡水至高武汎西合馬畢河南流合魯溝河過
普市合大坡哨水東過府南界而東流注之盤江水
又南至永豐州西南而東南過泗城府入於粵建於

海

見通志

巡撫蔣公宗魯傳

莫友芝

蔣宗魯字道父普安衛人

衛今爲直隸廳

父廷璧字文光嘉

靖元年舉人授青城教諭立教嚴明捐俸以贍寒士

遷國子監助教出判沅江引歸平生孝友恭儉寡言

笑所至人士多淑其化道父十六年舉人十七年進

士知澹縣準田均役無所私縱遷刑部主事三十一

年出爲雲南臨沅兵備副使先是沅江府土舍那鑑

弑其知府那憲攻劫州縣二十九年奉朝命會師分

五哨進勦鑑僞請降左布政使賈溪徐樾以督餉至
軍不虞其詐慨然請往受之爲所害我兵連歲攻之
不能克至是帝敕新撫臣鮑象賢鳩兵討賊明年調
集土漢兵七萬人克期分哨進勦道父率所部先入
諸路兵猶未集那鑑懼伏藥死道父憤槌之死欲盡
誅其黨象賢不可僅禽斬首浙土官及害樵者數人
餘悉就撫令鑑子恕還所占掠村寨鎮沅府印補輸
逋賦納八象卽貸其死象賢疏聞世宗厭兵遂允之
時人語曰可憐二品承宣使只值沅江象八條道父

扼腕而已升河南按察使糾伊府之虐且置之法愿
右布政使三十九年晉副都御史巡撫雲南初四川
東川土目阿得革謀奪土知府祿位官縱火焚府治
走武定爲土官所殺其子阿堂賄結烏撒土官入東
川囚位母安氏奪其印遂與貴州宣慰安萬銓雷益
土官安九鼎羅雄土官者濟更相仇殺位萬銓等各
上書訟堂罪詔下雲貴四川撫按官會勘堂聽勘服
罪而據印仇殺如故雲南巡撫游居敬請致討帝允
部議行川貴撫按會勘具奏居敬遽調土漢兵五萬

進勦費用不貲賦歛百出遠近騷動巡按王大任劾
居敬違旨輕動恐生外患乃命逮居敬而以道父代
之時阿堂聞大兵至逃深箐不出道父至急下令盡
撤諸路兵陰以土兵誘敗之於野馬川又授計營長
者阿易駟得阿堂心腹母勒阿濟等啖結之明年母
勒阿濟伺間掩殺阿堂於夏來以石其子阿哲亦就
禽自道父履任至事平才數月乃申有司縱盜茸賄
之罰嚴毅精察吏治一清大理太和點蒼山產文石
可爲屏玩朝廷采取大爲民病奏罷之因忤嚴嵩引

歸子思忠思孝並四十年舉人思忠官知縣思孝四十四年進士官至副使孫明良天啟元年舉人道父鄉舉之年以巡按奉化王杏及田給事秋請貴州始與雲南分闈開科揭榜之辰黃龍見霄漢間光燭地在事官僚爭額手相慶曰此科目之光盛世之瑞也諸生當有應者自是得人果盛於前是科人即多以名德著而道父文章經濟尤冠一時省志載道父著述有治濬款議疏草詩文集等若干卷又有齊梁監稅錄稅千頃堂書目作兌吳關奏議牧政事宜三種知於所

歷官尚不具載無論行蹟矣今就在滇一二事補詳之諸著述訪求不得惟見滇志一疏黔志一詩而已

其父文光著有家訓政訓二書在青城又著有璞山

教約並未見

附奏罷石屏疏臣准工部咨照依御用監題奉欽依事理

依式照數采

取大理石五十塊見方七尺五塊六尺五塊五尺十塊四尺十五塊三尺十五塊等因案行金滄道分委大理衛太和縣督匠采取揀耆民段嘉連一告稱嘉靖十八年曾奉勘合取大屏石崖險難尋壓傷人眾及至大路行未百里大半損缺眾復采補沿途丟棄所解石塊二年外方得到至三十七年取石六塊見外方三尺五寸自本年六月至十一月始運至普湖小孤山因重丟棄在彼且自大理至小孤山止有三百餘里以半年行三百里未免有違欽限徒勞無功乞轉達奏請量減數目尺寸等因又據石匠楊景時

等告稱原降尺寸高大石料難尋且產於萬丈懸崖
 難以措手縱使采獲勢難扛運等因俱批行布政司
 會議爲照雲南地方僻在萬里舟楫不通與中州平
 坦不相同先年采取三尺石自蒼山至沙橋驛陸運
 祇五程勞費逾四月供給不前所過騷擾軍民啼泣
 今復取六七尺者其難十倍況值上年兵荒民遭飢
 窘流離困苦實不堪命應請量減尺寸通詳巡撫蔣
 宗魯巡按孫用會題議照錫貢方物爲臣子者均當
 効忠民瘼艱難凡守土者尤宜審度前項屏石臣等
 奉命以來催督該道育司親宿山場遵式取進匠作
 者民人等俱稱采石處所山洞坍塌塞崖壁懸陡三四
 尺者設法可獲其五六尺者體質高厚勢難採運且
 道路距京萬有餘里峻嶺陡箐石磴穿雲盤旋崎嶇
 百步九折豎擡則石高而人低橫擡則路窄而石大
 雖有良策委無所施今大理抵省僅十三程尙不能
 運至何由得達於京師是以官民憂惶計無所出議
 將采獲三尺四尺者先行進用五尺者一面設法採
 取六七尺者或准停免以蘇民艱實出於軍民迫切

之至情萬非得
已冒罪上聞

明經邵公元吉傳

莫友芝

邵元吉字黃裳普安州人父華譜舉正德十一年鄉
試官重慶府同知發奸白誣郡人稱神明黃裳性孝
友博通經史嘉靖二十五年省試首場出聞行路人
語重慶邵郡丞病者黃裳心痛急返旅舍裹裝倍道
走重慶省父比至而父已沒哀毀骨立匍匐扶觀經
播州遇虎同行指茅屋令避黃裳泣下勿忍離父輿
虎竟去鄰火延其廬左手抱父主右手掖母出再入

取圖書曰有先人手澤在火亦旋息應貢入都視仲
弟元善於通州不語不食時時泣下弟問故曰我思
母欲歸不願仕也且有我奉母爾始得一意報國卽
弃牒歸母方思子致病一見良已黃裳以母病遂善
岐黃云弟元善元哲元高皆黃裳教以成孫淮海先
生爲作邵隱君傳元善自有傳元高三十一年舉人
官同知元哲三十四年舉人四十四年進士萬曆間
知淮安府城東澗河通射陽湖入海爲輸灌咽喉久
淤疏之增築城西長隄障黃河下流之決建閘壩以

通漕艘淮人肖像祀之歷官雲南右參政黃裳弟兄
皆有文名今惟黃裳元善僅有存者

僉事邵公元善傳

莫友芝

邵元善字台山普安州人元吉弟也嘉靖二十二年
舉人授嶧峨知縣擢民部郎謫通州判改知涿州被
逮獲釋謫判辰州府所在有治行至是乃得卓異薦
四十四年吏部尚書嚴訥奏請破資格拔幽異擢四
川按察僉事明史載平湖陸光祖爲文選郎申時破
格擢廉能吏九人下僚競勸其一爲邵元善卽是其

事光祖擇而訥奏之方志失其行蹟爲可惜也普安

諸邵文譽噪一時台山尤長詞賦工吟詠著有賢奕

稿陳崇虞爲之序擬以元道州可想像其風概序云賢奕

稿者今普安邵大夫台山所爲詩大夫初令岷嶼遷

司徒郎謫通州量移涿州再謫辰州皆有佳政不論

論其值之變者涿畿輔首地衝而費鉅億極矣民間

窮者骨立勢者虎負絲不得供命者日益水火則繹

繹而亡仕者卽不官不樂刺其地雖覲謁者苦其途

誰振而理之大夫至不踰月檢籍均徭抑豪強稽隱

脫自是疲者少解亡者襁負而歸閭閻甫如更生願

豪姓不便者含沙其旁矣果中於中貴人飛語上聞

收大夫焉乃涿父老扶杖携兒叩闕三上疏自其事

昔杜子美覽元道州詩誌之云今盜賊未息知民疾

苦若得結輩十數落落然參錯天下萬物吐氣治安

可待矣嗟乎良吏之難自子美時然矣今海內兵戎

傲擾顛顛日劇不獨一涿州然顧大夫者可多得
乃道州春陵行示官吏之作及所著元子等篇
簡冊長與金石不磨則豈謂大
夫令稿不萬千祀愛而傳也

副使蔣公杰傳

真友芝

蔣杰字美若號象巖普安廳人其先自涿州吳江
爲衛官美若舉萬曆十六年鄉試十七年歲遊上

志云美若以比部郎出守南雄文采風流雅有詩
罷歸流寓荊州放情山水以琴書自娛
也詩文清麗書法效顏真卿與黃蘗米芾同大

養廉國維序王禹聲遵考白社詩草

人與姑蘇王遵考天台蔡穉舍新安洪平叔馬中
美若荆溪張以登五君子以臭味相與其爲清高
采芳擷勝擊筑飛觴六合內外靡所不談亦靡所
樂諸君子卽景賦情悠爾徐于余心賞之憾才短不
能屬和無何各領一職以去升沈聚散不能如曩時
歡可想見一時風致華亭董其昌寄詩有貧竹幾
無解甲語蓋以安氏亂避地荊州也惜自舊聞錄一
詩外無單詞片楮皆不可見當於荆滄間更訪求之
著有十七史摘要普安續志無卷數見于頤堂書

並注云廣東副使 國朝王士禎皇華紀聞云予在

京師士大夫齋壁見蔣杰書筆力奇矯杰字美善

安人萬厯己丑進士以副使罷歸家居喜臨池臨

書法益蒼勁喜遊足跡幾半天下所歷輒有詩畫

喜歌喜禪喜弈多與高僧遊處崇禎間自楚歸卒

家據此則美若在廣東已晉官副使而方以遊之

董華亭又以參知稱之附以俟考

附華亭董其昌壽參知蔣象昇

丈時遊地荆州帝都花下佛名經

獨旅對南襄客

貴竹幾年無解甲遺城何日擬還

丁亥公以兵非

士太史仍書舊御屏當竹即

今勤憲老四朝人物賸儀型

尚書王公祚遠傳

其友之

王祚遠字無近普安衛人其先自應天句容來爲衛
官遂籍焉舉萬曆三十一年鄉試第二十四十一年進
士選庶吉士授檢討歷官祭酒禮部右侍郎轉吏部
左侍郎晉尚書尚書少負異才下筆萬言立就試膺
不起草既成而後補之詩文閎肆書法尤工充經筵
講官丰儀秀整音吐洪亮熹廟常目送之總銓政進
退人才各當其任崇禎初屢與枚卜負重望以請急
歸未及大用而卒所著詩文甚富其集無存惟見遠

條堂詩一序及詩而已

附熹宗賜曰講官禮部右侍郎兼翰林院侍讀學士
協理詹事府事掌院王祚遠制曰貳卿峻秩班聯
斗之台衡學士榮稱望重東觀之餽袖甚興禮詩
乎曰代藉重鴻儒而絲綸斧藻乎三朝卓請名世子
一人特薦中和之極子大夫宜膺寵命之說謂自
官禮部右侍郎兼翰林院侍讀學士協理詹事府
掌院事王祚遠奎璧騰輝丹彝鑄古備虞姪之九
品重蓬瀛著漢史之三長藻芬石室掄才首善才
與尺璧俱收晉位官僚秋實偕春華並茂崇論思
之任簡在帝心丕納啟沃之忠玉成朕德成均專席
多土環橋業已見美富於官牆何難煥喜起於堯舜
陟容臺之右彌資其實清兼玉署之重華倫在府
而爾討惇庸之故實期三謨二典以上陳司案卷之
權衡詎入索九邱之徒博經筵任巨綱獎功深其
專恩授爾階迺議大夫錫之誥命於陟粵虞周之
專與神人以房魏之才猶慚禮樂欲陳古誼非

以格神明難穆師虞惟平可以化君子尚其創一代足徵之史應百年積德之期無忝訓詞有光拱函其懋哉見句容孔貞運敬事草

總兵孟公本瀆傳

莫友芝

孟本瀆字 普安州人幼讀書尚氣節有勇力年

二十見天下將亂棄儒服從戎積功至總兵官鼎革

後薙髮爲僧名本謙初從武岡多福寺太初和尚授

法華經已飛錫新化高坪之靈真村從村中王爾雅

秀才乞雪山爲古白林寺自號葛天和尙時順治十

一年也十五年逃兵掠新化至村界顏公廟本瀆出

山慰撫之其黨見所持鐵拄杖重可百斤遂相戒不敢犯居白林九年跌坐逝世葬以瓦棺建塔於寺前
涪居郡與王嗣乾稔潛劉應祁澹山交至審調唱
多而詩不傳

重修丹霞山寺序

傅其開

余來治普之明年丹霞山僧持疏乞余有施余笑曰
老夫宦楚十年囊橐蕭瑟今盤州城斗大士塔
貧將何以予子耶僧曰否否蘇學士之於大悲關
施不必在金苟得宰官一言以弁其首

真觀不且與大悲閣同不朽乎余歎曰誠哉前賢
劉公衛守君汪公暨諸薦紳先生爲之序因進山
責之曰美玉盈箱安事砥砢丹霞山勝概請君子
言之詳矣余又何所置詞哉子歸吾將割俸以助
曰否否三千大千世界恒河沙數諸佛雖共證一
提未嘗不各出一手眼宰官何其吝珠玉使老禪
骨無休也俯首伏地不起余窘於對乃爲之偈曰
霞之蒼秀兮諸君其明備山靈之呵護兮我無容
再譽山僧之苦行兮斷臂其何異十方之樂助兮

見珊瑚其階琉璃其地僧曰宰官可謂共證一菩提
各出一手眼矣請以爲序

丹霞山志序

余 備

騷人韻士性嗜山水天下名勝時形夢想雖道路
長往往不辭跋涉徑造其巔蓋謂文章必得江自
而後可傳也若夫佳山而僻處荒陬名不著聞偶
遇之尤足快意况地以人傳亦以文顯則凡以文
寫山靈之奇俾天下知有此山者又不徒其入之
一也然則我之所游古人游之願令其文字供不

而廣諸斯世則我與山靈抱憾尚有涯乎丹霞山者
安名勝也而普安爲滇黔往來孔道騷人韻士之登
臨以詩文紀盛者夫豈或少惜無人采訪是則茲山
之遺憾也余嘗侍叔父宄翁一陟其巔考古蹟於荒
碑求遺文於老衲而先朝故物皆以回酋屢叛毀於
兵燹而今之所存者亦僅矣維時余與叔父慨然興
今昔之感以爲存者不亟編輯久之且湮滅殆盡既
歸叔父以命余余自維謏陋未能博覽諸家則名作
不獲登載者恐正多也何足爲是山增色顧余家平

江足跡不出里閭者三十年邑有幕阜山道書所謂
二十五洞天者仙人葛稚川居之而余未嘗覽其名
勝讀稚川幕阜志已不啻置身峯頂俯仰千秋如在
目前矣則是編之輯曷可少哉丹霞爲不昧禪師其
錫處不昧故安徽人明萬曆時將軍有道者也其坐
平事實皆不可考則紀載缺失既有愧於和川不昧
有靈得毋笑我乎長者之命不致辭就所知者撮之
存其所可信闕其所不知尚有俟於後之君子

普安州新遷入衛城紀略

明吳堯備撰

合滇黔之間為興古地故有州地無城郭遷入衛
 自今日始州守劉子承範謁吳子請曰興古邊陲
 地也高皇帝特設府隸於滇藩無何改黔為州州治
 始宅撒麻繼遷海子又再遷衛郭外迄無能城其居
 者則以人曠土瘠物力詘乏亦傳舍其身者苟幸一
 時無事之安而已故弘治中米魯蠢動州治幾殘為
 甌脫蓋衛弁秦越我州人以無城受其敝衛雖有城
 若無城此非往事得失之鏡與今上御歷之三禩重
 軫邊計特簡大中丞舒公持節來撫茲土諏咨地方

利便遂昌鄭君時爲治兵使者以州治請遷先是歸
郡事黎德雄者始建築城之議繼以工鉅帑匱不決
侍御毛公按部因先後議落落難其請而樂因循者
亦遂姑爲修葺議矣中丞公毅然曰事有出於一時
而關千百載之利害者當爲民社慮不啻爲會計
卽郡丞未可猝辦獨不可同衛城居乎矧畏難與提
遷爲目前計得矣非所爲保障計深遠也區區工費
不穀富有以報遂與侍御公合詞疏請制曰可遂
當道有司當是時鄭君以豫章參藩行今隨君來也

欣然曰是余之志也夫適永甯守陶子循臬衛使李承露相宅厥既得卜於守備之舊署而承範亦已觀事畢復任經之營之一稟成策爲堂三楹儀門三楹前後退食公堂亦各三楹公署以居官者各一區儀仗戒石寅賓諸廳各一所胥吏廨舍人諸亭具備計其費以金計者可近七百廩粟以碩計者可以百餘取諸縣官之緡錢者什之半出於公所捐措者亦什之半工興於萬厯丙戌之冬迄於丁亥之春蓋不半載而厥成煥如也於戲美哉

重修盤江橋記

國朝 趙廷臣

盤江者黔之安南屬也東三十里爲頂站自頂站來者池透重沓攀巖裸屬愈趨愈下西三十里爲安南自安南來者其盤錯之勢尺寸千里彷彿如之而陡夾一水浩瀚時明時幽聳身其地者如登絕頂之上倏墜塹谷如遊歌舞之場忽夢輪奐而寒骨節跋後蹙唏噓而悄愴者未易名狀水從北來者高而長騫風爭雷鳴與石相鬥者若壯士困萬軍中提戈奮搏所向無敵一線長空千仞飛瀑策青縑綠芙蓉

瀉中一奇觀也時值春夏萬山洪流決壅而下勢如
迅雷擊物一瞬不留迨秋冬稍涸深者峻黑隙月斜
明蛟龍潛穴影滅不可見淺者沸白若剖大甕側立
千尺若刻含鐔犬牙相錯與水光相映森森不可
逼視一葦所航洶湧號怒曾不略容行者立者張皇
慘淡得之心想而口舌不能道者纍纍也夫深不可
厲淺不可揭葦不可航游不可泳是不可以無橋致
昔聞用舟楫傾覆不常明崇禎初本省方伯朱公家
民剗鐵索三十六上鋪木板擊曳過江采練駕橋歷

四年而成費及數萬金更設稅置橋田備歲補葺厥
後流寇據滇我

大清朝王師進討復燬於賊僅存索七幸值凍涸而能
用濟識者以爲天授云自此滿漢兵馬羽檄交馳武
餉絡繹皇華之使商賈之客雲蒸雨合若其水溢寒
裳而裹足者相視以目予奉

天子命總制雲南貴州兩省屯兵駐驛問俗褰帷深知
水之爲患不小也時值大兵凱旋偕撫軍卞君會

籲請

皇上以稅課檄道府廳衛各官殫心鼎建仍復鐵索之舊
時在速成僅列十索架板約費千五百餘金而搖動
閃爍心切憂之夫去危就安必使載馳載驅如履
康今重足而驚怖負荷而戰慄猶之未安也越一載
會同撫軍卞君再疏入告加建木梁兩月始成孔國
孔碩人馬坦適矣仰見我

皇上明見萬里慮民之不安於野而薄賦輕徭慮商賈之
不安於途而徒杠輿梁故兩請而獲邀

俞旨豈偶然哉但可必者人不可必者天山川崩澗陵谷

變遷卽天地且無恃以久存何況於土木在後之蒞
茲土者風雨綢繆以維持於不朽因勒諸石以爲之

記

見碑

碧雲洞記

田雯

盤州出郭里許平疇交風淨翻綠浪環溪繞陌清見
赤鯁沿緣芳徑直造巖陰有洞憑焉窟窿危裂齒頰
皆露不知鴻濛何年鑿也一屏當門灑青抹綠遊者
摩挲拂拭疑爲古玉幽流旁洩瀉瀉作擊菴聲上石
片石如泗濱之浮磬又如涿鹿之神鉅邱之清越以

長始入暗甚必假松炬以行沙石錯然真人蹠趾坐
息稍定則劃然開朗天窗漏日下射層深毛髮可數
黃虬下垂如斗瞿曇大士番僧之象各一或倚岩舞
衷或踞石跏趺或蟠厓仰觀鬚貌如生絕壁千尺有
龍升之長與之竟倘使葉公見之知其必驚走也稍
進則駭浪犇雷奪人氣魄望之欲止左方一徑甚微
側仄窅歛足不可置前牽後挽蝻附螺旋而後達丹
竈藥爐無一不具安期耶羨門耶何以舍青城而穴
處於此也巍然一塏拔地粘天鬼斧雖工憑誰着想

漸進漸濕亦漸陞不欲往亦不敢往乃緣崖而上可
出洞頂俯視萬山川原厯厯乃復知有人世一僧爲
予言曰水入洞則世運泰亨蓋已信而有徵矣

庚戌橋記

鄂爾泰

橋以庚戌名紀年也紀年者何誌橋之始也西林侯
之西百餘里有羅盤河者據毛口河之上流其源
自普安之站裏橋而歸於盤江之鐵索橋兩岸崇山
相向山根多怪石或突或偃或凸或凹蹲若虎豹臥
若虬龍半不可名狀山腰以上則石骨而土膚者或

殷森藤蘿糾結惟聞猿嘯鴉啼聲亦遠亦寂而一水中隔斷岸千尺宛然在目無復徑路可通儼若蓬萊翠水之不可飛渡也於是架以長虹甃以巨石環以玉檻表以華坊橋長不及十丈寬僅二丈並騎而行可容四十餘蹏南連普安北達鎮甯爲往來之會要實滇黔之坦途矣當夫新路未闢榛莽叢棄時任宦輿馬之所不經商賈足跡之所罕到羣或爲予難之以爲可以已者予固不得已也故於庚戌歲自粵返滇而橋適落成因以庚戌名焉於戲昔唐許渾有所

稱丁卯橋者迄今猶津津人口矧斯橋之建與鐵索橋並存有不僅爲仕宦商賈計者其視丁卯橋之重輕奚啻什伯千萬倍也後之君子思橋之所由命名有不緝而新之俾永遠勿壞者豈理也哉

普安州題名記略

邵以仁

普安古興古地國初置軍民府永樂中改州始建黔其民夷其俗朴而衛之弟子員亦惟州約束是守也固軍民之所共待命待教者也舊未有題名是以諸大夫名氏泯泯焉會今上軫念邊計可大中丞舒公

侍郡毛公奏遷治入衛城而郡守劉大夫躬任勞費多方經畫四閱月而告成詳在學憲吳公記申繼而大夫又曰題名亦烏可終已也乃勒石有介而屬不佞記其事不佞聞之名者實之賓也彼其負不實以敗名者下也違道以干亟人知而名者恥也孔子曰斯民也三代之所以直道而行也民心合則不譽而榮民心離則不毀而辱四境一守佐守者二幕守者一昭然若揭白日而陳於庭固有目者所共覩有手者所共指也夫上之視下也若處明也下之視上也

若處暗也處明者不見暗中一物而處暗者能見明
中區事先王之畏民齒皆是物耳考之郡籍詢之父
老若陶梁之撫字袁黃之清廉徐之剛介以至蕭之
鎮靜蘇之振作賴之貞純固守之表表者然要之名
實合一功在社稷則自不佞有知惟劉大夫一人而
已故書之爲記

傅公祠碑記

馮時可

傅公諱天錫字佑之世系錢塘於宋高宗時爲望族
迨穎國公友德爲明佐命臣穎國四子公行三當元

季天下擾攘傾側父子奮身各圖雲臺業因相失焉
公長身瑰瑋矯矯若雲中龍爲經生郎有聲尤工詩
詩格高不作大厯以後語暇則談兵屈指稷苴司馬
自負爲封狼居胥禪姑衍無難者每籌策天下事恍
懷中竅揚眉裂眦人不能難應江浙行省試一日忽
語同學諸生吾仰測渾儀旁察方輿江淮間鬱鬱薄
層霄成龍文五彩者其天子氣耶遂問關投謁高皇
帝被僞兵執送僞將潘允明欲臣屈公環以兵公曰
聖主出矣我翹然男子非若臣也鬚蝟張目光炯炯

射賊聲震行幕皆辟易不敢兵俄報明李武靖公被
富陽餘杭兵壓允明營允明謀拒公嘆曰明天子天
授神兵百萬前矛至此無完卵矣允明雖駭公言抗
而與其黨計以爲然乃計諸公縛僞員外方彝往獻
策於武靖與公語良久奇公因納允明款還薦公拜

明州訓導時僧幾先黠有謀引倭襲明州上詩通公
公得幾先狀以請乃設備誘縛幾先用功陞知大名
府元兵犯大明公厯任甫七日備未具不敵縮還
請就司寇法詔報曰傳其有殊績都新造非爾咎矣

置雲南永平公配于氏攜以往明年抵永平又明年
拜大理衛知事未幾普安賊安乃叛公督兵與戰不
利或勸公逸公曰爾何餒悖失策往吾守大明不完
郭皇帝不以膏斧使衣冠待罪德甚厚非畢命梟鼓
曷報免胄搏賊死之士人以葬驛後公生寬寬生瑄
瑄生易菴證證生教諭江安公風風生工科給事中
良弼以蹇諤著正德十六年部使者奏公忠請於朝
立祠祀焉至萬曆十禩而公七世嗣侍御公來按黔
黔人德公念無能報謀新公祠中丞劉公聞之曰偉

哉傅氏明德遠矣亟新之時可以督學行郵拜瞻公
祠悵慕久之因爲序次其事云

重修普安城碑記

朱家民

辛酉木蘭之變普安尤徼外絕徼久不聞黔正朔
當黔滇蜀粵犬羊必爭之地癸亥秋雲南三堂司道
亦攘亦安屬左布政使謝公存仁神授異之受命
下同知呂公聲揚專長子任並監紀功狀余幸滇
使過撫安順民積各路糧領偏師佐之亦與聞
事仰仗天威七城捄復孔道開通渠壺授首詩云

授因糧余亦重鑒往事偕同役枕戈露處八閱月
儲民食頗周於計蓋七城屢年不耕演邇至平彝而
止金粟爭貴不得不急所天昔以枵而失者今果其
腹乃可守也隨令降夷入銀穀賑流難至圯砮城垣
亦令鳩工修復示壯亦示懲耳城之修復者不止此
然此實大要會收餘燼作金湯整萬壘如江漢蓋已
澄清千餘里焉計黔費不過設處納例之銀七百九
十兩零如黃如桂等忠義夷賞亦煩滇帑滇蓋大有
造於黔也西事若息肩此城終可恃是役也總督部

院楊公述中與滇黔院司道府相與陳謨夙吉曲靖
道副使王公鏌力勤黔難同知常公道立共清滇巔
副總兵袁公善參將許公成名守備楊公文炳屢擊
賊庭先後戰守者呂公興參軍焦公大受獨留普安

至今與余同文武各執事成之然總賴滇撫閔公洪
學滇院羅公汝元之壯猷甫下車卽急黔之急牌札
一日一下款撫各策慎終如始余不過奉行惟謹乃
閔公城檄如農之有畔焉寸攘尺取謂非其精神福
澤之所遺耶雖然普安越盤江外距道府七餘百

習軍民分治且政不在官余七年前蒿目邊情得請
添設分憲不幸事棘果無人援抱使孤城一年外相
繼失守候謝呂諸公入援集衆而獨斷成之豈守者
不在城而在粟或更存乎其人耶董其成者稅課局
大使王惟貞例得併記

本從斷禍摹出
故語多錯漏

創建十一城碑記

閔繼廸

漢法之不行於黔也非治黔而廢法不用黔固未可
以漢法治也萬山林立銳首異軀怪石猙獰狼奔虎
視箭簇鎗攢散無統紀又山肥水瘠剛柔數觜逐隊

東馳環繞不定生理窘蹙而衣食以禦人倘亦其形
局使然故初未嘗不銳意殲洗後迺不勝犯不勝諫
何也聚則扞弓露刃怒爪磨牙散則牧犢飲羊鋤犁
胼胝皆吾人也又或郊關之外毒箐巉崖我不得而
至焉囊篋腰纏委之而去倖以身免厯險衝危踉蹌
呼籲官兵疾馳踪影滅沒甚者緊關扼要仁奔鴟張
往往失利而返是故始於剝商近則日無官長始於
搜貨近則人茹慘辱何忍言也蓋寨苗以水西爲道
額水西以寨苗爲爪牙反賊熾則截路之寇滋孔道

迷則中國之援絕威清以南蹙然聲斷滇之宦於四方與四方之宦於滇者率北道建昌南假交陞甯瘴癘經歲年而後達文軌之世頓若異域者六七年矣朱同人大參奉命監普安軍蒙茸荆棘重開一線厥功綦偉於是相地勢酌遠近創議建城者十有一座則盤江西坡板橋海子馬場諸要害地皆蠻苗所據盤而受指顧於水西者諸城建則宿兵其中出可攻入可守行李往來收保足恃且於地之中界壘石爲樓名曰望高急則樹幟鳴金連珠營可合併邀擊賊

乃不能施其飄風疾雨之故智而我無深入覆敗之
虞聲應脉合勢如臂指蓋不血刃而盜賊止息威清
鷓池間水西賊無復有孳而飲馬者閱二年而安郡
彥授首餘孽惴惴請降矣是故彼一時也生理窮於
山川往來窮於盜賊黔幾不可爲矣公講求長策
竭智用能使山澤崇消光耀闇習寬然藟履無致
遺造物之憾然則黔又何不可爲之與有甚矣公之
治黔而長於任事也藉使蚤得任事如公者何三
餘年羣盜狎處又何至燧煽水西禍中全黔而滇受

其敞加楚餉請內帑捐朝廷金錢千百萬者且十餘
禩於此也公爲政好從塞處求通糾結處作解是役
也與盤江鐵橋並出人意表肇工在天啟六年丙寅
六月迨崇禎四年辛未五月而城成戍樓官廡廟貌
市廛井井具備費取諸節餉捐廩役取諸營兵董役
取諸將領無躄躄搜括之苦無誅求侵尅之弊崇墉
相望所在金湯疏聞天子嘉其勞績更下大司馬覆
議錫之令名盤江曰連雲西坡曰有嘉板橋曰靖氛
海子曰恬波馬場曰奏膚以上蒙賜名城者又於歸

集小黃河建龍新城亦資孔建資孔城頂站建鼎新
城定頭建定邊城尾灑建維藩城阿機建石碁城次
第告成共建十一座蛇噴豕突之區靈霧昏慘嚮所
聚族不敢前恫疑駭郤者一旦雉堞言言旌旗金鼓
遠邇相屬負販絡繹煙火湊集又重以欽名規制贊
然重已不佞維君子之仕也既已圭組專制一方庶
幾利害便宜是故裴行儉之碎葉張仁愿之受降遂
使西域漠南邊患頓絕作法自我安得謂古今之不
相及也

重修盤江鐵鎖橋碑記

下三元

盤江之源出烏撒繞曲靖西導七星關而下巴南境
爲入滇渡處兩山夾峙類巨靈擘之以界滇黔者也
兩崖中絕壁立如削江水注之淵澄而湍激比險瞿
塘灘堆雖差狹其濤瀧瀕洞不可嚮邇魚鼈弗窟蛟
龍弗宮鯨鱷怪物弗能遊是以方舟無功用楫無力
雖忠信如梁之父莫敢涉也顧盤江之外滇寶宅焉
茲爲黔唇齒輔車之阨若之何其隘而不可渡也前
方伯朱公家民頗出奇思迺錘鐵以爲緮鑿崖以爲

椽亘壁而貫之緯以板其爲組也其爲板也如其度
蓋亦棧之類橋者名曰鐵鎖橋始通道云卽莊躡以
下曾未及此不知當日何以飛渡而迄今有之抑亦
海內之奇制也歟第鐵之性也剛組之性也弱橫亘
幾時澮其中自弗能強矣行其上者足左右下組極
因之升降而板則或起或伏歛躍呿軋人之體亦與
之搖撼不能自持如乘巨浪之艇如履將泮之冰鮮
不掉眩而寒栗者且眦前者陟岸而後者始登不則
相躡而愈震殆欲前卻俱不可得危孰甚焉况萬險

萬卒之過邁乎我

大清削平海內拓土暨滇而疆場猶未盡靖恒遣禁旅
更班彈壓歲運數百萬金錢以供芻糗月頻至焉此
外飛章羽檄及他遞郵絡繹不絕而昔之七緝今爲
寇燬者二則力益弱而渡益危人胥患之督憲趙公
統攝二省大政嘗往來於曲靖安順間歲數道此橋
乃熟習形勢則謀於予曰盍亟圖而新之予拜手曰
可於是營諸鐵索之次鼎建輿梁焉石之不可而取
諸木迺命官督丁役采於山得巨材二百二十八株

排連之使臥於兩崖臨水復鎮之以巨石挂之以勁
榦各層累而加率如之凡疊序出焉咸鏘其本加固
及兩木之末不接者僅三十有四尺選材可六丈者
矩之以交其上而彌縫之植者爲檻幬者爲屋瓦者
爲門無不宜焉於是乎騰未雲之龍駕未雨之虹矣
則與古之鐵索並在於險阻之間雖踵事增華神明
其物不可謂非奇思軼出者也視故橋之用則可以
雁序而前可以魚貫而越可以方軌聯鑣攜笈荷擔
千萬人逐隊建旗而坦行且不知有山水之厲甯知

有風搖電掣之驚乎於戲水土之窮前人濟之以金
今也繼之以木五行之利溥矣哉是役也授略於總
督趙公諱廷臣濟其用者藩司顏敏糧道王廷弼程
其工者安順司李沈璣永甯刺史徐國維董其役者
盤江遊擊王官姚有智安南守備程璧余則贊成之
而已工役之值則取諸關稅三閱月而就不足以爲勞
費俾由滇黔者自今無恐公私賴之僉曰趙公濟川
之功哉

鸚鵡寺碑記

蔡毓榮

康熙辛酉二月余率官兵自貴陽長驅入滇巉岩叢
箐節節險要督將士持短兵轉戰而前如下長坂如
履平地不知其爲險也余雅好遊覽黔山四塞未嘗
立馬一觀亦不知其孰高孰下孰秀孰頑仰藉
天威滇池波息越二載

皇帝重念南服民彝雜處復遣天使位置土官

命余老臣務參末議癸亥六月過往黔中嵐瘴山煙
鬱蒸弗辭我僕我馬旣瘡旣痛然爲王事馳驅莫敢
以暑告者但思一片清涼地稍稍息肩略紓牛喘候

爲極樂而不可得旋抵普安州過輓橋峭十餘里石
路巖峻層磴而上單騎不于逾時陟巔忽見蒼然一
村松柏蒼翠清風拂襟煩燥俱滌一僧進謁道旁問
之乃鸚鵡寺住持也行數武過寺門但見背面皆山
傍山皆樹雖結構卑小而局頗敞紛來雜沓而境自
幽回思提師勦寇時露宿夜行不知何時經行此地
徘徊往事不能記憶山靈笑人不已久耶

王命在躬不敢弛緩策馬前往越十餘日抵貴陽又越月
事竣而返重過寺中展席小坐徐啜山茗寺僧請爲

額題曰黔中靈鷲夫靈鷲小嶺卽武林飛來峯澗中
山水甲天下此山何足相擬然大小不同各以地勝
黔中得此亦卽靈鷲也又請爲之聯題曰一峯天半
聞鸚語萬籟松閒只馬蹏嗚呼天半鸚語幾人得聞
爲問馬蹏何時得息興言及此用自傷矣旣而寺僧
以山門頽壞佛宇傾圯爲憂爰謀新之捐白金數百
爲之倡俟好事者醵金以觀厥成且爲之告曰自滇
寇猖披以來數年於茲寇之所至皆成赤土而此獨
如故宜有神力焉至於我

朝天兵所至一草一木不敢侵損觀此道場可以知仁
義之師矣加之修飾不亦粉飾太平之一節歟若夫
因果生心菩提作證布施卽超窮海檀那盡入寶山
住持僧乾字善言之余不能贅落成有期可刊斯文
後之覽者其以爲紀遊之篇不作募緣之詞觀也夫
修葺大威寺泮園碑記

朱右賢

普安北郊有大威寺焉紀載不傳遊蹤罕到廳人熟
視之若無覩也戊申夏余權是邦公餘之暇訪求名
勝適過此小憩見竹徑曲通環峯迴抱疑其中有千

巖萬壑者慨然嘆曰是非佳境耶胡聽其永埋榛莽也歸以語賓友咸欣然釀金助葺因卽其客舍三楹冀除而修飾之室也奧如窗也洞如玦其牆以爲圓規其池以蓄魚矩其岑以養花尅日興事木石交施未及工竣而阮屐紛如矣落成之日宴集賓僚憑几而觀花影含笑煙光醉人其晴巒星羅如人之旅行而見髻也其喬松翠滴如鵠之聳立而長鳴也宜步月月光浮動宜玩雪雪韻清潔宜縱談談鋒錚錚宜敲詩詩興汨汨然蓋至是別有一洞天矣酒酣有

執爵而言者曰文不必蘇海韓潮也結構精嚴則奇
文共賞人不必鄭旦延娟也布荆修潔則秀色可餐
地不必西湖九嶷也一邱一壑布置得宜自足以遊
目騁懷此園在數月前雀鼠是宮犬豕是遊樵叟牧
童過而陋之吾知山靈必愀然不樂也今君不糜費
不飾觀因陋就簡化腐爲奇使減色於數千年者効
靈一旦人人有一大威寺泮園在心目間能不動山
靈知遇之感而慶運會之奇哉鄙者乃執西湖九嶷
以律天下山水而曰是無佳境將無令猿鳥笑人善

用因者善用創以是知君之嘉惠士林培植民俗者亦如此園矣予起謝曰何敢當哉乃援筆爲之記時助葺督工者爲小山朱君溶川許君偉堂馮君楚材王君芝庭胡君

忠義節孝碑略

楊鳳臺

普安地號名區其忠義節孝之見於前門不如柳之文臨陣捐軀盛全邵元吉洪遇等之天性孝友尚矣他如閩闔內沈尚綸妻之姑媳死難蔣橋邵以嵩妻之赴火自焚其操行未可一二數迨

本朝風化益隆自劉士榮夫婦外如任馮氏劉李氏以及
蔡譚氏母女等十六人或則投河不辱或則矢死代
姑或則貞操自勵尤一時所難能者問其祠所在則
傾圮摧殘已久矣台屢欲倡建一祠而力小不能任
重適客冬同學變賣歲修田畝歸印儀十金瞿然曰
此

聖惠所波及也敢輕用乎爰加銀五兩以建祠一事屬齋
長謝洪章張瑤董其役更以所餘田價銀十七兩足
成之卜地於大成門外得隙地兩畝各建祠一間

額曰忠義祠右額曰節孝祠向之傾圯摧殘者今煥然重新焉歷代忠義節孝照州志所載以次序列間有州志未載如楊胡二氏則依類以附而張文斗之女張氏未經題請亦以遭逸貞烈稱之俾潛德之幽光百世不泯而凡或死孝或死節烈者皆得於所建之祠祭之不踰月祠成因記其顛末於左

募修興福寺引

傅春闈

余昔讀書峩山小刹客有叩禪者曰眾生皆有佛性然歟否歟禪者曰一切眾生俱是現世阿羅漢俱可

得聞阿耨多羅三藐三菩提客曰善哉斯言也則我
與汝皆菩薩世界盡樂土矣云何有歡喜煩惱或爲
菩薩身或爲羅漢身或爲比丘身或爲宰官身或爲
輿隸身又或爲乞丐身嗣者絕者壽者夭者種種不
一豈佛性亦有殊耶禪者曰善哉一切因緣俱從福
田中來不見耕者之所獲乎上農夫食九人上次食
八人中食七人中次食六人下食五人以是求之則
爲菩薩爲羅漢爲比丘爲宰官爲輿隸爲乞丐爲嗣
者絕者壽者夭者豈不曉然易見而謂佛性有殊歟

客曰敬聞命矣福田云何禪者曰余何敢犯饒舌戒
但貪嗔痴愛福田之荆棘也樂善好修福田之美種
也子歸而求之當身便是阿羅漢所得便是阿耨多
羅三藐三菩提余聞斯言歷今二十有三年求所以
副客與禪者之說而未有得王子之春有僧持册丐
余爲疏蓋將重建興福寺也其亦猶福田之義乎辭
絕再三不去爰述昔聞客與禪者之論以弁諸首

祭宛溫眾溺民誄

夏成業

嗚乎生民皆吾赤子疴癢疾痛未敢膜視我民愛我

如真父母願與我民共躋仁壽慕於丁巳閏五月朔
夜將三鼓雷雨大作屋舍漂浮倒海翻江滅踵及頂
欲渡無梁天昏地黑莫辨西東哀哉吾民命隕蛟龍
隨波逐流頃刻數里男婦老穉死以百計陽侯肆虐
無邊瀕洞飽葬魚腹孤城一夢滔滔巨浸從古未有
誓擒孽物立駢其首嗚乎蒼天降此鞠凶力莫能拯
悲悼何窮浮屍遍野目不忍經哭聲震地耳不忍聽
嗚乎大劫茫茫誰造洪水橫流湯湯浩浩吾民何辜
罹此慘毒搔首問天椎胸痛哭捫心自省人事多乖

乃致吾民被茲沈災飢由已飢溺由已溺緬懷神禹
嗟何能及強魂毅魄瞑目難甘爰仗佛力普蔭和南
消爾怨氣瘞爾骨骸妥爾精靈拔爾輪迴紅蓮千朵
極樂世界放大光明超出劫外死莫汝救生爲汝期
和淚濡墨成此誄詞眾靈有知來格來歆甘露一滴
不墮幽冥

普安直隸廳志卷之二十二

藝文

詩

五古

盤江行

明楊慎

可憐盤江河年年瘴厲多
青草二三月終厓生碧波
行人好經過

平播行

蔣杰

蜺妖毀王度恣凶若虎乳
播人亦何艱蹂躪遺黎煎

逆旗指綦江血肉膏草土氣祲蝕東隅千里聞桴鼓
凶妖竟不悛天王赫斯怒穆清軫靈略慷慨奮神武
樹牙選車徒文武今吉甫分道引旌麾連營羅練組
六師矯猶龍戈矛集如雨前旗蔽白日流颯捷飛羽
鼓行破危關席捲平田澣狼奔恃險固兀若魚遊釜
虎臣翕以奮批吭搗其隄賊徒削前戈狂羯伏鑕斧
頑梗如轉燭蕩滅同摧腐獻捷歸朝廷揚威耀邊圉
天子畫麒麟功臣錫圭組從今橫吹聲增入鏡歌譜
堪嗟螳臂微安足污強弩珍重封疆臣慎勿生跋扈

易隆驛

周仕國

爲吏不自由雞鳴戒前途問君何爲爾將事謁且趨
上官前導至走馬臨長衢馬上極咆哮風火不停驅
盡欲飽其腹遲則生禍虞昨日郵書至爲言餉傳通
疲卒入九家形影半凋枯門戶塞荆棘妻子匿菰蘆
苦稱被水旱田地盡荒蕪僅餘皮骨在典鬻無完膚
詔使日夜至愷澤同春敷而我獨重困何以偷須臾
倉卒感斯言仰天長歎歔攬衣亟起去耳中聞道呼
秋日登金峯

孟本濟

踏磴扶藜杖飄然佐此身登臨殊境界放誕出風塵
泉向峯頭湧雲從足下遶舉頭低月窟伸手摘星辰
石冷藏丹竈洞幽隱異人盤桓窮盡日憇息動彌旬
茗椀澆禪禩詩囊詠逸民倦眠忘世故領蓋論交新
聲色知都幻性情取自真山厨黃麥飯淡薄養精神
因公過大威寺

國朝
朱右賢

到寺不見寺林遮無稍懈一水跨斷虹萬綠排層碧
法相尚莊嚴殿宇半頽敗墀前蓄芳草游魚驚出拜
鐘聲來上方忘機聽梵唄有菊大加盤點綴香色界

似怨我遲來，憔悴神垂憊。似待我遲落，俯首皈法界。
不信觀止此，搜奇盡斯快。得意象可忘，世具壺非隘。
文心與禪心，妙旨無兩派。字內紀叢林，如勝兩大界。
邱壑各有真，亦自矜靈怪。小憇作遊仙，借酬登覽債。
仲春陪張岱庵司馬遊丹霞山

任濟

城南多奇峯，丹霞尤獨闕。靈氣時往來，雷霆走屋脊。
丹砂播層雲，岩岫烘之赤。倏如建錦標，軒軒列絳嶺。
又如飲飛虹，燦爛垂千尺。晴雨割陰陽，氣候變朝夕。
煙嵐出重霄，頰光搖秋碧。我本仙山人，愛山更有癖。

躡屐陟山樊，曠覽得所適。盤州大若拳，蒙外清如壁。
霞舉睇長空，臨風生六翮。

次威問樵見贈韻

金鐘曉

古城有白雲，峯高莫與伍。今我登丹霞，爽然意爲懣。
峭壁藤蘿蟠，石徑松杉古。仙風吹衣裳，飄逸神栩栩。
烹茗汲甘泉，味香勝膏乳。眾鳥挾雲飛，夕陽忽當戶。
天半朱霞落，好景盡難譜。乘興一放歌，深林躍猛虎。
宛溫北城水災

夏成業

咸豐七載夏閏五月朔日是夕雨翻盆平地高十尺

雷車逐電影瓦屋摧霹靂隔城聞海沸洶洶呼號急
人大辨不真暝黑暗如漆俄頃波浪騰蛟龍浮寢室
宵短不肯明危坐身惴慄更闌住滂沱向曉即消息
乃知天災行民命悲蕩滿男婦沉魚淵老幼入蜃窟
閭舍多漂浮哭聲震艷碗白晝勝黃昏乾坤變反復
此劫造何年風雲倏不測好德皇天心忍降蒼生厄
默坐省譽尤煎腸倍抑鬱不能防未然我愧爲民牧
遊大威寺

馮子俊

有寺名大威城北巍然秀山以寺爲門寺在山之靈

羣峯萬壑奔大小急相就象鼻曲盤盤石坊依古堠
河水淺且清虹橋跨其右一徑竹蕭森竦蠟寒風透
禪門晝未開有客花陰叩山僧採藥還攜來雲滿袖
叢篁蔚蔚中清泉倒瀉溜呼童烹新茶多云飲者壽
閒玩池中魚一片慈雲覆留荷雨聲繁聽松天籟湊
野菊採東籬不礙秋容瘦小憩水心泉棋聲消永晝
扶杖引鶴行蒼翠疊遠岫或窅然而行或如往而復
或蛻如游龍或驚若駭獸萬狀森開羅元機誰能究
信步枯木堂壁聯皆史籀雲黑古木孛石忙飛泉漱

風霜任剝蝕破屋走飢飈大厦廣幘幪匠心精結構
預占不成日經營若靈囿持柬來催詩擊鉢兼刻漏
崔灑黃鶴吟適逢賢太守得意每疾書廿八胸羅宿
僕本疎狂人所學皆釘釘愧乏作賦才恍聞鈞天奏
今來遊此間已是深秋候木葉打頭飛翠麓迎目縐
一觴一咏間頓覺消塵垢陶然醉忘歸山杯一宇宙

老鷹岩

王失名

羣岩列黔西一岩獨雄特突兀亂峰間高出千萬億
孔道當巒巔往來若相逼間名爲老鷹神駿誰能識

健翮空際摩彷彿垂兩翼有若疎翎排身攬目亦側
又若巨爪翻搏兔顛而踣鳥道近天關眾鳥皆避匿
攀躋幾迴環俯視雲煙墨太息造物奇生茲形崩劣
山谷鑿何年開徑通荒棘豈其有神功抑借五丁力
行人赳赳前驚心層級直與從木杪登馬自懸岩勒
僮僕相扶持過此崔巍域生平履危多此乃造其極
下趨崧歸塘稍得舒肩臆爲語遠遊人臨險勿輕陟

七古

樂矣園歌

明沈 勗

樂矣小園如畫裏地闊天開非偶爾園外有山山下

水水光山色來屋底山擁羣峯儀鳳峙疊磳層巒翠

如洗水流一曲蒼龍尾戛玉鏗金咽宮徵園中昨夜

東風起知是陽春催百卉蓊蓊密葉裁文綺娜娜長

條綴珠蘂梨花李花雪皚皚豔杏天桃爭旖旎老我

平生厭華靡不悅千紅與萬紫獨契亭亭高處士階

愛猗猗美君子久與寒梅結知己尤憐幽竹及蘭芷

朝遊暮觀逾二紀盡日踏穿東郭履幸無俗生談鄙
俚時有文儒來濟濟幾回援琴向清泚沙席雲屏石
爲几茹以澗毛酌以蠡笑看飛鷺躍雙鯉俯仰乾坤
樂即已誰識靜中極妙理縱渠奔競紛如螻得失只
將蕉鹿比柴桑浣花誠俊偉貧賤栖遲終不恥古來
落落皆如此何須更獻遼東豕謾發狂歌聊自擬不
借傍人風過耳明日短筇還遍倚吾樂亦在其中矣

紅崖

邵元善

紅崖削立一千丈刻畫盤迴非一狀參差時作鼎鐘

形騰躑或成飛走象諸葛曾聞此駐兵至今銅鼓有
遺聲卽看壁上紛奇詭圖譜渾疑尚詛盟

碧雲洞

楊彝

老夫生平愛山水每聞勝景心獨喜故人邀我城南
遊出郭溪行二三里峯崖路轉非塵寰雞犬人家足
生理恍然真我桃源中風景依稀乃相似耕田鑿井
不記年疑是秦人始居此谷中樹暗連桑麻洞底花
香雜蘭芷陰陽古洞蒼山根絕壁飛崖半空倚豁然
深入天窗明外狹中開如屋裏醉眠雲磴高似蒸補

拂平沙淨如几松風一派從天來散作泉流和宮徵
泉來直與海眼通鶴髮仙人烹石髓蛇龍窟宅變斯
須白日陰岩電光紫此時豪興爲誰發筆下詩成泣
山鬼安得凌空生羽翼共載吹笙玉童子一聲長嘯
洞雲寒日出林稍鶴飛起

渡盤江鐵鎖橋

王錫充

盤江始自武潯沱奔流萬里勢溼溼兩岸雄關插碧
天一線羊腸山巖嶮浪觸雲流倒瀉來逆望澎湃無
時輟幾載舟人登櫂艱風急沿沂心膽裂天生英傑

拯民溺獨創慈航志已決對此江神誓此身一片精
誠鬼神徹飛梯何須藉鼇背金繩直嵌山之側橫空
貫索插雲蹊補天接地真奇絕曾聞羅浮道士作浮
橋風雨剝蝕虞飄折又聞飛閣用石鹽百年那得堅
如鐵嗟哉我公爲禹之功臣奚止商家之舟楫祇今
南北去住無望洋直令萬禩懷明德

盤江驛題壁詩

明洪武間
中太守妻宋氏金華人

按孝婦金華人學士宋景濂之族也適衢州進士
夫守閨中以被誣死於獄母妻編成金齒孝婦至

盤江作此詩題於驛壁

郵亭咫尺堪投宿手握親姑憇茅屋拖薪就地把鋪
攤交頭相向吞聲哭旁人問我是何方俛首哀哀訴
衷曲妾家祖居金華府海道曾爲二千戶舉艘載粟
大都回金牌敕賜飛雙虎弟兄晦迹隱山林甘學崇
文不崇武今朝玉堂宋學士亦與妾家同一譜笄年
向嫁衢州城夫婿好學明五經離騷子史徧搜覽志
欲出仕甦蒼生前春郡邑忽交辟辭親千里赴神京
丹墀對策中殿舉馳書歸報全家喜承恩出拜闕中

守飄然畫舫西南去到官未幾訪遺老要把奸頑盡
除掃日則升堂治公務夜則挑燈理文稿守廉不使
纖塵污執法致遭僚佐怒府推獲罪苦相攀察院來
提有誰訢臨行囊橐無錙銖惟有舊時將去書城中
父老泣相送道旁觀者咸嗟吁一時徵賦動盈萬妾
夫自料無從辦經旬苦打不成招暗屬家人莫送飯
嗟嗟餓死囹圄中旗軍原籍來抄封當時指望耀門
戶豈期一旦變爲空親鄰憐妾貧如洗歛歛殷勤餽
行李伶丁三口到京師奉旨編軍戍金齒阿弟遠送

龍江邊臨歧抱頭哭向天姊南弟北雨相痛別後再
會知何年開船未遠子病到求醫問卜皆難保武昌
城外野坡前白骨誰憐葬青草初時有子相依傍心
安且不憂家蕩而今子死姑年高縱到滇南有誰望
八月官船渡常德促裝登途整行色空林日暮鷓鴣
啼聲聲叫到行不得上山險如登天梯百戶發放來
取齊雨暗泥滑把姑手一步一仆身沾泥曉來走向
雲中宿神思昏昏倦無力五更睡重起身遲飯鍋未
熟旗頭逼翻思昔日深閨裏遠行不出中門外融融

日影上闌干花落庭前鳥聲碎寶髻斜簪金鳳翹翠
鈿鮮簇畫眉嬌繡牀新繡雙蛺蝶坐久尚怯春風饒
豈知一旦夫亡後萬里遐荒要親走半途日暮姑云
餓欲丐奉姑難舉口同來一婦天台人情懷薄似秋
空雲喪夫未經二十日畫眉重嫁鹽商身血色紅裙
繡綠襖終日騎驢馳長道穩坐不知行路難楊鞭笑
指青山小取歡但惑新人心那憶舊夫恩愛深吁嗟
風俗日頹敗廢盡大義貪黃金妾身汪汪如淡水寧
受饑寒不受恥幾回欲葬江魚腹姑存未敢先求死

前途姑身少康健辛苦奉姑終不怨姑亡妾亦隨姑
亡地下何慙見夫面說罷傷心淚如雨咽咽垂頭不
能語道旁過者爲心酸隔嶺哀猿叫何許

鐵索橋

二首

國朝田雯

黏天拔地山槎枒下有黝潭龍所家捷攫飛鳥不敢
渡莊躑躅目空咨嗟巧鎔長緝三十六東西穿鼻貫
石腹蟠螭屹立體橫陳直使天塹作平陸

紅酣白糝兩山口蜃霧噴吐羣峯首畫家能事李將
軍瀾滄江上如斯否縹緲五城十二樓神仙海嶠崑

崙邱拔劍斲空不知險今朝快御天風遊

鐵索橋

錢寶琛

盤江山頭高矗天盤江山下藏深淵雙翠壁出巨靈
手劃開地肺迸飛泉懸岩對峙三百尺俯聯一氣連
雲煙陰風怒號老龍泣白日走匿瘦蛟潛天公一夕
運神化驅使丁甲來山前出鐵之山三千六神工設
鑄穿其巔太乙下窺風雨吼豐隆赫怒雷霆鞭須臾
采虹落天半危梯怪石相鈎連黔虹二字大如斗
雲磨滅知何年我來十月山行險百步九折紆迴旋

三才圖會 卷三十一
陡瞻天塹動驚怖及上數級如平川世路險夷何足
論由來王道本蕩平嗚乎王道本蕩平寄詩爲道司
牧賢

碧雲洞

曹達

王公手拂珊瑚枝翳彼流水同襟期笑指泠泠入古
洞中有石室如厓屨屬彼圉人備鞍馬蜿蜿螭駉駉
雲螭屬彼庖人羅酒漿鸚鵡之璣紅玻璃屬彼輿人
駕輕車輔以谷管中乘櫟白日麗東臯飄風自南吹
嵐光乍如洗淡蕩行委蛇於是我公瀟酒搖鞭絲紅

羅之蓋翡翠旗庾亮之樓怡南向婆娑其下饒風姿
珠玳寶從翩然來簪裾之客相交馳一時韻頰至洞
口宛轉入洞如龍彪馬蹄不到肩輿撲努力直抵山
之巖一層黯黯未足異二層開朗心神怡巨石之怪
莫名狀比擬欲借南山詩或如龍之升或作鱗之而
或如獅之蹲又復行躑踞或如鳥之翔直向天門破
又有陳倉鼓雕鏤雲雷奇又有嶠嶮碑斧斲煩二怪
瓜疇芋區一十八石田終古蒼牛犁此間夢有一不
隙照見諸怪如燃脂又聞此處尙有小洞天落落落

著仙人棋茲水復行十餘里洒然瀉出南山陂是時
玉珂在門候已久摩挲不見逾多時諸君或轉山之
阿我公尙留水之湄須臾復抵望山樓上頭疎落風
颺颺露頂倚窗得佳趣顧視南畝掀髯鬚吾宗阿兄
倍高迴短衣被體舒其頤與予議論蓋有以江南之
派誠偉琦桃源神仙舊刺史歲久於此登崇庠每言
此間好形勝語語合古無參差更愛我公風趣甚隔
牆度曲呼紅兒傳花之令近所製鼓撻花轉醒人脾
樂極都忘日已落迴顧洞口花陰移夕陽流水色更

綠藤蘿掛壁珠簾垂我欲此中築石室擁書萬卷高
皇羲其下獨許蒼龍吟其上獨許星斗麗吁嗟乎世
人只顧守齷齪焉得天下揚鬚眉

余遊盤州刺史王公招遊碧雲洞詩

中所謂舊刺史周橘溪先生吾宗阿兄廣文松岩也

老鷹巖放歌

谷善禾

吾聞巨靈大斧開鴻濛華山湧出三芙蓉玉丁力士
通劍閣鑿穿鳥道兼蠶叢下有百尺深潭千尺澗
有崔巍萬仞之高峯隨刊功從莫山起高處削平
處弭又聞王屋有愚公矢志移山山便徙一自康

闢遠邊登臨往復趨爭先橫山忽亘路忽斷老岩竦
立山之巔人傳此岩號老鷹縱橫之勢莫敢攫如立
枯樹刷毛羽如聳瘦骨高峻嶒烏兔驚避老拳擊健
翻凌霄摩蒼冥石梯陡絕不可上未及登攀心蕩漾
身非鵠隼又非猱到此如何不惆悵奇石如盤勢壓
顛怪樹奮臂疑牽裾後人首接前人踵凍淋泥滑難
提扶兩手挽葛蘿兩腳懸銀河俯視諸峯若點螺捫
葛牽蘿幾欲折葛蘿折兮將奈何進退踟躕谿更窄
紅日沉沉已將夕五丁愚公不可逢巨靈有斧不可

攀故留天險不可升後人誰認地平責懼伏傍徨步
強移此際除是乘風飛乘風未飛先恐墜以手仰攀
天地袂鬼神嗔怒風雷驚天帝笑言不汝戾我聞帝
心言懽然恍與太白神周旋爲感公詩吟蜀道惜公
跡未遊黔山倘若當年西上長安行道絕頂請公再
歌黔道難黔道難難於蜀謫仙人去誰續叫嗟乎欲
上天梯愁失足

李翊侯明府禱雨後邀遊大威寺

楊敬熙

李侯秉性邱山重勢與峯巒爭巖窅日邀我遊

林層岫俯首如相拱雷公鏗轟山鬼怒錦屏中開若
裂素那問濁流與清流打破石關走脫鬼怪龍天矯
形莫測手無鞭勒誰能馭山僧指點向予言道是新
來司馬賢昨日泉流失涓涓赤地東陌連西阡野花
炙日爭欲然朝禱北靈泉暮洒西郊雨霖淋直搗旱
魃魄萬戶千門動歡喜竹陰浮碧松聲肅松幹撐天
竹切玉鬱翳蕭颯鬥奇古有如下筆驚神速心轉夷
神無悚蒼苔圍坐祛煩冗我聞此中老猿近千歲仙
苓黃精矜獨擁斫竹割藤出雙杖暫請相從求鉛汞

遊大威寺歸放歌

朱右賢

好花素見開不鮮奇書百讀思渺然拈花枕書對名
勝逸興高踞蒼雲巔廿年簿書勞束縛歲月無情風
霾薄過虎溪橋發長嘯點額深怨朱衣虐上不能乘
鸞貝闕珠宮探蒼冥下不能步杖方壺員嶠恣譙譎
崑崙之高手窮攀桐廬之險足爲縮泰岱朝瞰虞海
枯峩眉夏雪驚花落而乃拓落箚煙瘴雨中如蛙在
井蝸負殼花不譜羣芳書未搜秘閣方寸培塿塞地
天少見多怪矜奇博夔魍駘然笑笑我心局促苦提

喟然嘆嘆我骨不俗說法無法非非法大非世界小
非粟花落無聲書可言撮土卷石不盈掬從此更結
阮生緣石捫岑蘿漱流泉看花花光豔欲燃觀書書
意珠玉聯我自愛山山我憐山口雲封留我眠倩作
主持不願住飛仙

遊丹霞山

張人龍

蓬壺崑崙空耳食今日喜上丹霞峯足踏雲華學仙
步手搥日轂分行踪轟轟千尋地上桂四圍削壁誰
持斧人在空明笑語喧恐如羅浮逐風雨聞到每年

時雨行冷風颯颯雞犬鳴雷火穿房走几榻霹靂一
震人不驚靈山倍有神靈在呵護千秋應不改我撫
神絃歌一曲庭花欲舞霞流彩

遊丹霞山步夏秋丞司馬見贈韻

金鐘曉

城南有山名丹霞縹緲雲煙無際涯拔地紅岩十萬
丈鮮豔如火還如花吾友董眉家其境門對丹霞峯
之頂蓬萊咫尺在人間高擎一朵芙蓉影九日招飲
翠微邊醉臥問誰知謫仙醒來獨倚高樓上呼吸直
欲接蒼天吁嗟乎我身常思寄林麓而乃轉徙若推

東坡全集卷二十一
穀今朝緣何逢勝景風塵勞瘁一開目何況內地動
戈矛竟與諸君樂休休應是山靈有意助狂嘯載將
滿腹奇氣一洒羣峯頭何啻于將莫耶射斗牛

乙丑秋卸篆南籠道經宛郡伯雅司馬表棣留飲郡
中紀以長句見贈
孫清彥

有客有客盤州行感今思舊蠻觸振黃雲被野除榛
荆渾忘連年烽火橫口碑載道知輿情裕如歲時屢
豐亨欲詢斯民農與兵使君道左車騎迎挈來綺署
同傾倒歡情離緒紛如擣蒲堂賓佐各嘖嘖相驚羨

鬢疆場老淵明老子滇雲來爲述鄉事心顏開好將

文運銷兵氣玉尺親量宛郡才

會廳試先生襄校有得士之譽

滇黔

十載征蹄送武城何幸聞絃誦坐來絲管發清商南

華又醒莊郎夢

時於署中觀劇

猶憶初來棠蔭新大坡堡破

軍如神我提支旅援南郡那知成敗皆難論六城聯

傾似轉燭羨茲後蹈復先復功成晉秩豈足多喜爲

蒼生深造福述君事晉君觴迴思血戰猶心愴我與

君家姻婭行屢世承恩皆廟廊奉君法祖君所當杜

陵忠愛非詩狂願相致世如陶唐

金曙雲上舍遊丹霞山作此送之

夏成業

送君南去遊丹霞峯迴路轉天之涯沿河曲曲三十
里浮雲湧出紅蓮花此爲盤州第一境君去直到丹
霞頂俯視諸峯若蟻蛭仰見天高沒鴻影琳宮突兀
白雲邊無端雞犬皆神仙何必蓬萊閭苑九萬里此
間別有一洞天悵我道經丹霞麓梯磴無階愁轉轂
山靈阻我攀躋緣何時絕頂一騁目烽煙滿地橫戈
矛鄰塞悲笳聲不休安得急挽天河洗兵甲狂風縹
緲吹我獨臥茲山頭長歌大嘯落斗牛

登丹霞山步夏秋丞司馬送金贈雲上舍韻

劉國卿

昔聞盤州有丹霞名山悵望隔天涯挺然獨出萬峯
上丹霞亂墮如茵花今日何幸逢勝境招我友人到
絕頂白雲深處寺門封一聲鐘磬杳無影瓊樓斜映
夕陽邊放飲高歌似飛仙此山靈秀鍾何日茫茫我
欲問青天忽見羣鴉起林麓飛飛繞樹若轉轂更上
層樓一眺望如此清幽勝景殊豁目但念河上逍遙
歌二矛南北羽書今未休我欲手挽銀河洗兵甲申

流砥柱天南頭嗟哉此身落落誰推引空山夜半歌
飯牛

重九日隨完翁叔祖勤夫叔父暨方裏黼秀才登丹
霞山有感賦七古一篇

余厚塘

洞庭之隈吾所囿壯志亟思遊五嶽適與名山有夙
緣驚起騷人興馳逐盤州西南勝境幽丹霞千仞撐
犖留命儔歎侶亦前因有約登臨同看菊異鄉重九
聚天倫僕通馬瘖足趨蹕攀藤捫翠躋崖巔有寺巍
然雲中擢老僧出拜迎其前袈裟短笠黃花簇解衣

箕踞坐空庭摸索我頭並未禿
嗔爾眾袖不識字
能享此清閒福我聞山頂高齊天
颯颯尖風寒

天公陽伏陰未消五月猶下三尺雹
古佛

空殿楹破碎雷車撲旁有平臺對鳳山
三十

一角遙瞻八納如削平滇南鎖鑰五丁
斷層

發奇文竹韻松濤奏仙樂隱隱白雲落
上

中雞喔喔齊厨野蕪列滿筵有客挽
臂

縱酒盡歡娛獨慚小阮志昏濁可人
負

亭廣後其所至行略進太守憂民
庶

種五穀歸詢田舍麥苗青民心遷善何其速吁嗟乎
拓落塵寰廿五年粵黔奔走徒荒學海疆有事逆氛
侵願乘長風效宗慤

和劉漢英重九登丹霞山七古原韻 劉漢英

浮生苦被浮名囿六上燕臺遊海嶽而今一事竟無
成回首廿年空逐逐瓠繫此官冰樣銜塊壘填胸不
截罟有酒莫澆兩鬢華有詩久負三徑菊盤州太守
蘇髯流公餘問俗遊情蹕輕車五馬秋興豪健筆
一枝雲表擢丹霞有約作重九連騎翩翩藹玉簇賤子

附驥心正忙，搥策疲驢尾。先禿羣仙反轡，我方來盛
會未逢真。薄福山靈拍手招我前，謂我骨相食無肉。
疎鐘聒耳雜風濤，寒葉打頭驚雨雹。方將左轉，忽右
旋勢欲上升，防下撲蒼藤古木，龍蛇盤一路。攀鱗且
附角，巋然古刹如蜃樓。結撰凌空，苦匠斲此身。恍入
廣寒宮，繞坐如聞羽衣樂。儒生不解西梵音，蛙鳴雨
部聲明啞。須臾纖月落，杯盤咫尺摩天摘。星宿我醉
未必眾，皆醒心清何妨酒。獨濁蚨蝶雙雙入夢來，一
枕清風睡味遠。清晨催起飯前鐘，枉說修行能辟穀。

去去聊問行腳僧來曾不速歸仍速揮手笑謝霞中
君我不佛仙不道學徑欲摩崖書短歌雷篆飄然生

謹懃

鳳山放歌行

用燕歌行韻

羅振瀚

湘西

登高遠眺秋氣涼濛濛煙霧初凝霜憾不凌風隨翺
翔快酌斗酒充詩腸感懷異客在異鄉欲騁游目來
上方歡言所憇入山房題詩紀壁毋相忘磴道盤旋
攀衣裳古木蕭瑟動清商苔蘚礙路阻且長汲井漱
齒據銀牀探奇陟險興未央丹霞對峙遙相望幾時

驅車上河梁

望丹霞山

楊茂材

丹霞聳峙盤州南迥立天半半雲含晴空一掃煙霧
淨州人指點認層嵐靈山遙傳知名久我居鳳山山
當右三十里餘遙遙見羣山四面齊俯首乾坤異迹
神靈護怪奇流傳喧童叟年年四月浴佛會殿閣白
日霹靂走閭闔紫垣會可通天梯跨越神抖擻我欲
絕頂觀日月寸心飛渡峯九九

遊碧雲洞用東坡遊金山寺韻

許克家

看山新自五嶽歸閒坐小窗讀山海有客邀我城南
遊美人峯下碧雲在洞中雲冷乏頭陀洞口雲低水
不波神功鬼斧何年擘瓊花玉筍中藏多笑攜筇竹
用作楫天窗縹緲透紅日石田膾膾租稅無仙源曲
曲桃花赤正好尋搜壯吟魄欲行不行天忽黑洞
燐火暗忽明猿啼狐嘯淒然驚惆悵仙棋不可識爛
柯人在知何物歸路且隨雲出山山靈喜我腰腳頑
探奇未盡興胡已重來細問三溪水

五言律

何燕泉先生讀書處

明 王祚遠

氣節平生事煌煌議禮書遂令後來者長憶授經初
綽楔光山國鶯花護草廬餘冬誰續錄望古一躊躇
湖舫

沈弈琛

曲隄分野水人上木蘭船小草春來思殘烽江上傳
風和迴北鴈雲溼近南天俯仰千秋跡荒祠帶夕煙
碧雲洞

吳國倫

何意盤江外乾坤更一邱卻令驄馬使蚤爲碧雲留

煮石顏堪駐巢松蹟故幽種瓜成五色不忝邵平侯

寄孫山甫

邵元吉

人人能學孔聞者遠難尋有善同堯舜精言見古今
黔牂數先獻尹謝久希音勤子張斯道慚余老病侵

題鐵索橋

陳士奇

瘴水春猶早炎方日未齊虎當官路鬪猿掛驛樓啼
繩鎖金沙界橋飛乳洞梯當年無寶筏腸斷夜郎西

曉渡鐵索橋

張瑞圖

夙興寒尚峭雞犬隔江喧戴月盤江磴堆雲渡鐵門

扶繩登冉冉與鶴共軒軒
鬼斧君能運吾尋博望源
題鐵橋

楊繩武

屹立盤江許飛梁擊半空
九臬來瑞鶴一澗飲長虹
翻浪鯨鯢吼奔雲車馬逼
我非題柱客踪跡感飄蓬
鐵索橋

超遠

萬山誰劃斷一水界東西
地曠風逾急天低雲易迷
半空橫鐵索十尺跨虹霓
我欲橋邊宿江猿休夜啼
自炎方驛暮宿亦資孔

萬士和

遠道資人力扶持萬嶺中
伏隨徒隸亂輿放僕夫空

雲動嵐移黑霞收樹斂紅祇貪趨館宿不暇泣途窮
碧雲洞

趙天佑

依舍千重樹連城百轉鶯勝遊常近郭吾意欲通名
竹色窮詞賦山靈識性情憑誰祈岳手爲寫輞川屏
讀鐵橋圖記

王思佐

水折三江裏橋飛百濮間化民無獄訟贈客有江山
制鐵龍猶避銷兵虎自間金城方略壯常鎮九疑關
普安道中

國朝常安

水勢盤州好三溪匯一溪路窮山向背人倦驛高低

密樹遮輿幃飛雲襯馬啼
南中山磳硤日擬上丹梯
崧巋寺

高其倬

溪色澄無滓嵐光翠欲流
幾盤松外徑一牖竹間樓
鐘放依岩般雲停爲客留
髯僧同一笑踪跡愧藏舟
楊松驛值霧

張九鉞

到此天真漏淩兢復杳
漫危梯冰纈削古木玉花攢
地逼雙丸隱人穿一綫寒
回頭禹詔路翻作故鄉看

樂矣園

明沈勗
故宅

夏成堃

狃狃獠獠地先生闢草萊
園林真樂矣風月亦佳哉

民認無懷氏天儲大雅才不須尋綺李松友共銜杯

盤江

盤江流萬里曲曲抱城隈嶺樹橫雲斷山風帶雨來
旌旗閃遠戍笳鼓壯高臺笑拂青萍劍狼烽一掃開

崧巋寺

崧巋古名勝深翠鎖招提樓閣飛雲峻乾坤落日低
夏牛俯峭壁石象卧荒溪鸚鵡前村路多情逐客啼

大威寺

蒼翠隱禪房紆迴謁上方竹深僧院靜杉古寺雲涼

梵響出高閣鐘聲飛夕陽此心愛岑寂徑僻不嫌荒
水星寺秋末晚眺

人在水精域心同山月清白雲歸岫影黃葉隔林聲
野鶴閒僧性崖花淡客情高寒吾不畏卽此是瑤京
夏杪斗老閣池荷盛開乘雨登覽

野寺池亭古清香出芰荷納涼留客少習靜閉門多
小有林泉勝况兼風雨過碧筒傾美釀花下醉顏酡
別宛溫諸同人 二首錄一

留滯三年久艱難百計周臣心雲北向世事水東流

音步風志 卷二十三
別恨征車疾行踪匹馬愁蒼生回首望魂夢日悠悠

遊大威寺賞牡丹 二首錄一

野竹藏深寺看花別有天雅從兜率境妙結眾香緣
佛國春常在鐘聲午更圓靜拈發微笑參透美人禪

鳳山書院八景

劉漢英

傑閣憑虛矗登臨思邈然人扶鼈背上山接鳳頭圓
俯瞰城如斗高吟筆插天丹霞遙對峙落落錦標懸
右魁閣飛霞

問字來攜酒披書共上樓風聲擡雨過暑氣入杯收

梅笛思黃鶴，萍沙感白鷗。
爲霖應慰望，五鳳待誰修。
右書樓賞雨

繞屋雙薇樹，垂垂一朵雲。
小簾晴晝永，美蔭畫堂分。
翠落琴書潤，霞烘筆墨芬。
黃昏仍獨坐，相對亦欣欣。
右薇雲夏幕

何年植斯樹，義本取高攀。
讀罷露初上，行吟庭自閒。
天香散過夜，秋意滿空山。
翹首月中桂，猶憶起尺間。
右桂露秋香

手把凌雲筆，開軒引興長。
兩山如桂接，萬壑似松香。

翰戲鴉千點書空雁幾行
文章應假我鳴鳳瀛洲陽
右筆幽凌雲

深夜月初上太空雲盡回
閒亭無俗客對影好銜杯
共得琴中趣都忘漏下催
長更且相待莫報五更來
右斗亭留月

青分山一角綠繞屋三椽
有客此容膝抱琴常醉眠
答歌花坐鳥和曲樹鳴蟬
解識讀書樂四時心浩然
右山房抱膝

古甃層巖上清泉曉露酣
此心原似水絕頂好分甘

獨別色香味一空廉讓貪不應徒洗耳井渫亦轉漚
右井泉洗心

鳳山書院入景步劉廣文韻

羅振瀚

詞

山巔聳魁閣屹立勢巍然雲氣隨煙上霞光澹日白
靈氛長隱霧祥霏欲連天磴道攀躋處蒼藤石壁懸
右魁閣飛霞段

西風吹雨至乘興一登樓霧捲山光晴雲浮日影空
遙天遞度雁低渚穩棲鷗小酌懷前哲蘭亭穆市
右書樓賞雨

紫薇雙樹秀花發
曜朝雲蔭借牆頭
翠枝從屋角分
淺霞蒸薄暈濃豔
襲清芬消夏圍成
幕依依服烏歛
右薇雲夏幕

丹桂森森立新秋
得意攀一枝自清
潔千古總幽閒
夜靜露凝盡風來
香滿山會當明月
上酌酒飲花間
右桂露秋香

煙巒看對峙逸興
引杯長是處鍾靈
秀當年歎戰場
霞烘天作紙鴉戲
墨成行欲把凌雲
筆書空問夕陽
右筆岫凌雲

山際露微月亭前望幾回
狂歌誰和曲快飲莫停杯
雲送飄飄起星稀曙色催
徘徊不成寐明夕可重來
右斗亭留月

犖确砌頑石杈桠架短椽
有時還兀坐待趣且酣眠
習靜閒棲鶴長吟偶聽蟬
幽居饒雅興抱膝自怡然
右山房抱膝

沿溪尋古井散步酒微酣
地僻心原淨泉清味亦甘
臨流思可濯止水戒毋貪
挹注塵襟滌應懷汲澗
右井泉洗心

五言排律

過盤江橋

明吳濬六

江界兩山岬嶽沔剽不可以舟楫通尤不可以
石甃夏潦秋霖爲行李憂崇禎初年憲副朱公
民募金治鐵爲綳縑者十六橫組兩崖之間架以
榦木鴈齒參差然後布板實土蓋祖澗江之舊道
而措以新意也久而漸廢增修者覆篳之復加
瓦夾楯施欄沔丹灑翠鱗鱗然翼翼然如樓閣
燕行者不復知其爲橋况寒裳胥滿之夏雨

藍對峙金碧映照橋益增壯西南奇勝當以此爲

最因賦二十韻紀其槩

禹跡所窮處桑經未盡書來從火墩腦翰委沃焦墟

盤江自蜀西來至七星閣而見劃地千山截縫空一綫虛縹腰豁窈

窈珊骨虹縈紆金石交何固鈞陶理或如縈維驚水

怪繩戲躍仙好濺沫難爲朽奔濤自覺舒飄飄眞鄉

氣蕩蕩欲持裾迺悟柔之勝還思動不居昔人勞創

始萬古險夸初直欲身康濟羞貽世拮据念窮高岸

後力借補天餘完毀疇能必依資竟莫除無煩鞭石

鈍遂免望洋起樞紐遵前範遮欄警後初依然臨板
屋猶似在乘輿飛跂凌暈鳥蝦蠕擁蚰蛆波紋分組
練鱗介被犀渠麗寫潛虬窟奇停過客車還思度索
險應笑鎖江疎

碧雲洞

明孫應鼈

早罷荆門鎖言尋石戶耕風塵閱老眼邛壘淡秋情
忽枉騷人札深懷勝地盟洞泉開僻壤詞賦振韶聲
一徑層林入千岩曲竇平軒窗含宿潤箭括引新晴
雪障羅青壁霞標帶赤城龍蟠潭隱隱猿嘯谷磳傳

五躔俱稱美，千奇不辨名。鬼神留斧鑿，造化見生成。
日靜沉朝彩，天澄起夜聲。蔚藍盤島嶼，花鳥映空明。
信矣遺塵世，悠然薄太清。會心思得象，國世欲餐英。
何日攀裳去，同君策杖行。鈎元舒雅況，發興出高評。
獨往探牛斗，相知洽弟兄。斯遊如可遂，豈羨接蓬瀛。

七言律

過牂柯江

元 李景山

歸歎何日是，真歸慚愧山林與。
願違垂老八千餘里，
謫回頭四十九年非。
窮邊野水黃雲渡，
夢裏回家白板扉。
珍重沙禽頻見下，
也應知我久忘機。

經盤江

明 析 淮

踰岡陟嶺兼多病，臘盡春來不記程。
瘴水已知多瘴，
淚窮山只是有人行。
緣岩豈霧愁俱黑，
觸馬春花豈
一明西蜀未知天下險，
老夫筋力盡南征。

盤江阻雨

徐中行

天連益部長多雨路出盤江况毒淫春早蟄龍蒸赤
水夜深山鬼嘯青林已憐遠道妻孥累更恐年衰瘴
癘侵吹笛袁生應好在懷予堪和武溪吟

喜盤江江西坡等城以次落成

潘澗民

剛夷千落盡纖平次第經營十一城疏入至尊嘉偉
績敕教司馬下新名兵民互恃烽煙熄雲貴相望井
邑清碎葉受降前蹟在盤江今古共邊聲

普安公署

丁養浩

好山如畫壓城頭。盡日嵐光翠欲流。峻嶺刺天偏礙
月。密林藏雨不知秋。雲開錦帳橫當戶。風約寒泉半
上樓。老我柏臺看未足。欲將書劍向瀛洲。

鐵索橋告竣志喜

朱家民

群柯形勢向雲盤。山插層霄萬疊寒。地險難容江立
柱。神工只許鐵爲欄。人從蜃市樓中見。我在金鼈背
上看。三載胼胝今底定。伏波銅柱照巔巔。

萬松軒

明沈景

先生高隱即徂徠。繞屋清陰覆綠苔。萬樹總持霜雪

五言古風元
卷三十一
操一林俱是棟梁材窗間翠羽風前落谷口鶯聲月
下來聞說摘花多釀酒蟻香銀甕幾時開

碧雲洞

楊彝

山腰誰鑿洞門開絕谷層巒亦壯哉滿口白雲無徑
路一溪流水隔塵埃欲從阮肇登仙去曾見初平叱
石來勝覽於人隨處有何須海上覓蓬萊

過盤江

杜拯

泛泛盤江三月天一篷瘴雨夜郎船渡頭草樹雲垂
鎖袖裏檳榔客自憐太液恩波勞夢想劍池春水隔

風煙臨流此際情何限極目湘雲思渺然

碧雲洞

張渙

洞中春酒釀薔薇塵外三仙日下歸
隔嶺碧簫猿鶴近侵衣
瑤草芷蘭肥一樽共飲東風軟
萬壘誰知笑語非
歌罷水流花片片斷雲殘雨點斜暉

碧雲洞

葉宗魯

雲水南明萬象天奇踪異宇洞中懸
瑤壇翠桂虬龍見華蓋丹崖鳩鶴旋
澗道風湍開遠嶽石門花露濕
平川蓬瀛仙侶毓春勝對酌滄洲思爽然

橋工竣次第建石城十一告成志喜

明朱家民

劃破青山路一條走鞭飛鐵去來遙礙天岩樹冬先
發鎖磴溪雲晝不消耕鑿正聞歌帝力車驂不復畏
兵驕金湯連絡皇輿鞏盡職何功敢任勞

再遊金峯

孟本濱

孤峯峭立壓羣山石磴藤牽杖履艱夾道鳥歌青樹
裏隔扉犬吠白雲間飛仙勝跡千秋古老衲榻遲百
歲閒我亦再登憑放意逍遙景況不知還

善應橋

沈勗

飛石攢空若畫成，跨溪環洞巧經營。
水從玉竦腰間過，人在金鼇背上行。
應有素書堪進履，豈無駟馬更題名。
適來偶倚危欄看，偏喜滄浪可濯纓。

庚戌橋

國朝張九鉞

牂柯江走激奔湍，伐石爲橋百尺安。
野老無碑知歲月，行人下馬憑欄杆。
火雲散壁紅椒熟，香瘴過林翠羽寒。
一自韋臯開鑿後，青天蜀道不知難。

丹霞山

金灑

孤峯千仞着招提，矗立虛空萬象低。
今古不搖蒼玉

柱入天相望紫雲梯
常時鐘鼓驚風雨
盡日煙嵐落澗溪
此地豈曾燒木佛
名山卻爲祖師題

過鸚鵡寺

金灝

形勝能將鸚鵡名
青松翠竹景偏清
飲來茗椀同甘露
行到郵亭亦化城
野火頓忘終夜黑
林花好趁一春晴
風塵何事知回首
啼破清溪杜宇聲

盤江

程封

盤江中斷鐵橋開
乍見心驚首欲回
誰遣鬼工排鳥道
直教天塹走龍媒
如雲戍卒防秋去
盡地金錢轉

餉來聞說波流通禹甸河源萬里令人哀

丹霞山題壁

張士蘭

客遊無處謝塵埃得訪名山又此回霞落半天仙犬
吠松封一徑寺門開鐘聲隱隱穿林出雷火年年下
殿來卻感高僧留待意新醅香酒滿金罍

游玉陽洞賞牡丹

馮兆蓉

洛陽風景畫圖呈賭酒飛觥四座傾國色太驕天意
妒春山無雨客心驚名花雨放情如昨舊句重拈喜
欲并莫把繁華叅色相玉堂丰采自來清

普安道中

謝關保

五更喔喔亂村雞
催客林鴉又曉啼
山靜鐘聲來古寺
月斜屋角暗前溪
橋因霜壓留泥印
犬為人稀逐馬蹄
一路風光描不盡
普安城與白雲齊

遊大威寺

許義山

放眸不見煙中寺
側耳惟聞叱犢耕
洗鉢僧歸雲滿袖
參禪人至話偏清
山藏綠樹深無隙
竹鎖紅橋盡不成
更有醴泉靈境在
澄漪無滓復無聲

遊大威寺

張鳳枝

步屣隨風到上方禪房曲徑隱高岡
千章古木學空黑百道飛泉漱石忙
祛我塵氛消永晝留僧清話坐
匡牀勞生已作頭陀笑託鉢空山路杳茫
癸亥仲秋邀劉鶴泉顧清溪同遊大威寺

遊大威寺

曾明

公餘邀友出郊坰古寺深幽戶半扃
緩步溪邊尋瑞草回頭松下遇仙苓
徘徊勝地環秋水一望羣山列
畫屏對酒可堪消永晝花香鳥語靜中聽

亦資孔驛

張九鏡

積霧漫漫出戍旗，今宵行盡古羅施。
天搖絕徼星辰大，月下深山鼓角悲。
鄉夢已過重坎少，客身更作亂雲垂。
行人都說銀生郡，爲問猿聲欲訴誰。

胡芝庭少府邀遊大威寺

孫世舒

綠筠匝徑石橋橫，笑語溪頭老衲迎。
印月池邊看松色，觀音閣上聽泉聲。
高朋入座風生次，少府題詩酒共傾。
醉臥不知天欲暮，歸來玉兔已東生。

遊丹霞山

劉國卿

丹霞開闢自何年，挈伴登臨思渺然。
曲徑人穿紅樹

裏雲深犬吠翠微巔層層直上疑無路步步回看別
有天峭拔盤州推第一高歌絕頂似飛仙

董杏東招遊丹霞山喜晤任小乾昆仲承贈以詩

韻和之 二首錄一

金鐘曉

盤磴凌空燦錦霞幽林環繞梵王家佛幢影落禪心
靜仙磬聲流谷口斜山傍危樓秋氣老身留異地別
情餘最難露白葭蒼日舊雨重逢水一涯

再遊大威寺

宋右賢

煙開畫本水鳴琴風物淒清自古今解傲菊應

影重來人早滌煩襟已輸猿性安禪久轉愧借才入
世深不爲催成雲積墨空園落葉寄詩心

重九日董杏東任小乾邀同金曙雲遊丹霞山余以
公冗不果賦此寄寺僧兼示諸君 夏成業

靈山咫尺阻奇緣况值重陽風雨天笑我久羈塵俗
吏如君同是大羅仙胸懷超曠無今古氣象縱橫俯
萬千此去終當期後約將詩遙寄白雲邊

盤江橋

張鏡心

萬里盤江裂地來巨靈掌擘四山開波騰斷峽虛蘭

楫石咽濤聲走怒雷湧霧迷漫千嶂合穿雲繚繞一
龍迴從今人渡金繩上共賴君饒濟世才

乙卯秋仲修建大小岩關告竣重九日請紳耆邀請
星垣郡伯暨同官諸君詣關察驗並登將臺眺遠
率成七律

夏成業

攜手同登大將臺雄關突兀倚雲開山光近抱千峯
峭江勢遙分二水來羣邑千城訛闕月營門笳鼓動
驚雷天心厭亂知何日決勝徒思頗牧才

因公過鸚鵡寺

余雲煥

曲徑迴環古洞天雙旌小駐寺門前
紫薇花照曇曇雲
豔翠陌光分曉日妍
唄靜似聞鸚欲語夜深可有鶴
參禪一官可補絲毫事
慚愧山陰道上錢

晉安秋興

六首錄一

余愔

躍馬盤州意氣雄
新詩吟罷又西風
百年天地浮雲
過萬里河山夕照空
誰信讀書偏誤我
可憐揮鬢漸
如翁故園儘有躬
耕地食肉披貂笑
上公

茨梨釀酒味清香
爲遣閒愁縱飲狂
蘆管定情苗女
點柳枝祈雨市人忙
蠻花徼外供新韻
秋月湖邊憶

故鄉惆悵此邦忠烈事許多湮沒待宣揚

讀余勤夫普安秋興詩喜步其韻

六首錄一

張綽

宋玉悲秋氣自雄
賺予老淚滿西風
削身天壤空遺恨
薄極目關河大樹空
日見征書傳絕徼
近來多事更何窮
衰翁請看赤氣連
殘靄小立危欄唱惱

普安廳署寄伯兄掬泉

四首錄一

余愔

蘇氏連愁夜不眠
燈窗風雨苦精研
詩存正變名
代學重淵源
溯再傳敢信文章能
報士功由艱

求賢侍郎才思中丞節可有聞人似昔年

遊丹霞山

正熙

萬山捧出一山孤高插雲霄景象殊異閣欲傾風起
撼好花齊發鳥驚呼人居樹杪疑天上我坐峯頭想
畫圖勝境吾鄉誇第一何須方外覓蓬壺

遊丹霞山

四首錄二

任調

誰向山峯創寺樓將軍名字古今留千重紫氣摩仙
掌萬道霞光滿佛頭拾級半空疑日近升階數武臺
雲浮飄飄若在終南裏無限煙巒一覽收

從來名勝幾篇詩，誰肖廬山面目奇。
壘嶂雲封人不到，少層巒樹繞月臨遲。
嶙峋拔地巖千仞，挺健凌空翠一枝。
昔說盤州饒俊傑，靈鍾秀毓理咸宜。

侍張心園登丹霞山集古次韻八首

錄三

馮克觀

心園先生，廳名士也。余東髮，即遊其門。仕漢江，憂歸。常侍登丹霞山，雲雨交作，霽後，謫雲落半空。之句，不覺塵襟頓灑。因喜名山不朽，先生猶存。古壘依其巖，以述事云。

漢漢輕陰隱隱雷晚吟多是看山國守愚不覺世途
險大嘯一聲幽抱開
隨暎微星當日沒半篙新
月
雲來峯攢仙境丹霞上
小雨飛飛潤綠苔

鐵甲春生萬壑雷晚歸多是看山回雲飛
傑閣輕煙散風打虛窗佛幌開
人宇因垂黏地近雨聲一片隔
林來青山缺處月初上竹拂欄杆滿壁苔

岩懸飛瀑吼晴雷一寸鄉心萬里回
世事總如春水裡洞門早爲野雲開
拾薪煮菜憐僧病掃地焚香待
客來幽境自能情外見竹稍垂露點蒼苔

夜宿西門礮臺

時峇逆入寇
率團助守

萬山迴合護孤城，刁斗宵涼暑氣清。
天放新晴低翠色，雨留昨夜漲溪聲。
短陣坐露琯，戈澤列幕屯雲旌。
火明此地當年征戰苦，至今遺迹未全平。

重遊碧雲洞

經年不到碧雲岑，嘉樹新添一徑陰。
洞口蒼荒遙展，印山申流水學鐘音。
天窗石柱無開闢，丹竈棋枰有古今。
老道龍鍾相見熟，殷勤約我再登臨。

挽協戎傅公心齋

崇正遺

善哭華周空有婦羣傷伯道竟無兒向來戰伐應猶
憶如此英雄更有誰忠骨沙埋燕馬草戰場塵冷得
烏騅他年史冊知偏否悵望千秋淚眼垂

五言絕句

白石岩瀑布

在安南城西五里雅關橫嶺處

明孟本濱

橫嶺望懸泉噴落千尋雪行雲灑煙流積翠界

盤江曲

國朝林軍曉

古渡千盤水連雲一望城守橋諸將在執劍聽江

偶成

秦夫名

風來蝶舞衣雨到荷擎嫩鋤具種梅翁一扇生香

五
卷

卷
三
三

四

七言絕句

過牂柯江

元陳孚

青草風吹毒霧腥
交州何在海溟溟
牂柯已恨天涯遠
又過牂柯二十程

盤江橋

明朱茂時

疊嶂曾無三尺平
盤江狹處鐵橋橫
短袂峯頭花露濕
女宛在秋千索上行

了頭峯

在安南

孟本瀛

木石心肝冰雪膚
十年不字尙模糊
往來多少行人

口錯道山前望故夫

盤江橋

國朝

彭而述

鐵橋黑水舊知名天險曾當百萬兵
試問臨筇持節客當年何路入昆明

鐵索橋

二首

鄒一桂

豈徒騎馬似乘船鐵索橫空欲上天
正是扶風吹不定怒濤飛吼起龍眠

十二峯頭鎖玉關八牛植柱屬連環
盤江萬里溟黔界一道長虹控百蠻

詠雞墪菜 二首

張九鉞

紺紉霓裳白羽衣
炎洲帝子戲空飛
天風吹下珍珠傘
雞墪山頭帶雨歸

翠籠飛擊驛騎遙
中貂分賜笑前朝
金盤玉筋成何事
只與山厨伴寂寥

題鸚鵡寺

甘文焜

盤紆冒雨陟高巔
斜木森森猿鳥喧
只恐深山愁霧乘
槎誤入斗牛邊

松下睡起

秦 夾 翁

一肩烟露活生涯枕石眠陰到處家
午夢覺騰春意
暖細風吹綻擔頭花

金曙雲上舍遊丹霞山八日而歸予贈以詩

二首
錄一

夏成業

四面蒼松鎖寺樓濤聲真走萬山秋
不須更繪仙靈狀飽讀新詩當臥遊

碧雲洞摩岩

余雲煥

萬丈懸岩千鈞石裂破重門空洞闢
要求出險扶危手莫待岩崩石倒來

一雲出岫欲從龍一雲挽住不放鬆頃刻風挾雲飛
去化作甘霖洒萬峯

碧雲洞摩岩

余 惜

仙風沕穆洞門寒乘興來遊秋又殘一片碧雲天半
落道人拏住補層巒

傅將軍墓

張問漁

陰風吹雨野花開獨拜將軍墓下來五百餘年無恙
在可憐幾輩沒蒿萊

六言

碧雲洞摩岩

二首錄一

國朝

余厚塘

疑是秦人避世手
種桃花滿村雲氣
氤氳不散捲衣
長護禪門

上
月
一
二
三

詩餘

念奴嬌

晚登鳳鳴山

夏成業

二分春近正天桃穠李萬花爭發信步嬉遊舒望眼
且喜雲天遼濶夕照低銜高憑彩鳳恍惚凌仙闕青
衫搖動好風吹面相識惆悵此地閒僧寺門深閉
冷落梅花笛佛座燈昏人悄悄難破今宵岑寂雲歸
樓空鶴歸山暝長嘯驚林樾誰和清歌晚鐘飛上明
月

絳都春

重九雨霽招諸友人登鳳山

西風送冷正滿林黃葉無邊秋景宿靄漸開密雨初
停天光淨登高直上龍山頂要作箇羣仙管領碧雲
佳客丹霞勝侶潛通款聲 酌酌招呼彩鳳當筵

跨鶴吹簫子晉落帽孟嘉繫馬彭城誰堪並須與徧
歷蓬萊境俯世界一空塵影黃華笑插歸來醉鄉未

醒

續采

雜箸

小洞天

范興榮題

州志載碧雲洞中有石龍石瓜石獅象之類此士女所共見者惟俗傳洞深處有小洞天二仙人於石上彈碁曾見於藝文志曹達詩曰又聞此去尙有小洞天落落幾箸仙人碁余亦有爛柯樵人今何處宋無行蹤不敢去之句曰又聞曰不敢去均得於耳未嘗遇於目蓋陰深窅窅恐為龍蛇窟從無一人涉其地

者衲子海靜性好竒與其徒智圓於仲夏中澣裏糗糧然松炬同往探之初入甚湫隘漸行漸濶而淒風凜凜澈骨生寒非葛衣所能禦悔欲中止圓曰天下事多敗於怯而成於勇既入虎穴棄之可惜於是抖擻再進約十餘里漸如將曙之天已復霞光四射有禪衣冠而脩髯者揮塵自空明界來問客何往以求仙告其人曰一身無累即黃梁飯熟時也何以求為雖然有一人焉居忞元之府號解脫真人是能幕天席地游心於太初可仍從來路尋之靜與圓乃回頭

北轉互相猜度謂來時無所謂忝元府者抑交臂失
之歟一路或沿溪走或傍崖行五臚千竒未可言喻
少焉鶴鳴猿嘯一仙翁冠朗月冠衣翠雲衣危坐於
鏡石上仙童二分侍左右靜趨前和南仙翁曰汝非
禮斗亭鬻棺者耶既比邱矣又孜孜為利且不順人
長生而欲人速死佛門慈悲之謂何重以吾友常寂
子之意姑與一見俾世人知冥冥之中自有昭昭乎
在至若安期棗曼倩桃非道南苦李任人扳折離離
如若輩雖欲為淮安雞犬得乎命童於冥如亭時

瓊花十雙再於菩提林中伐玉筍二本運送至小洞
天外以賜之嗣後勿復來此中人多不死間有屍解
者外椁內棺皆以石木嫌速朽謹與汝交易也靜與
圓浸浸汗下倏忽已離湫隘仙所賜物悉在石象旁
玉筍各長丈餘玲瓏如劃脂鏤冰蓋千萬年石乳所
融結者瓊花亦石乳瓣類菊晶瑩皎潔聚之則積雪
一片分之則皓月一輪竊幸此行為不虛焉裏花出
催農人扛筍滿意而歸一時觀者如市余購其石筍
一以樹知樂池中旦晚對之頗不俗一為老友張滙

川所得瓊花亦市錢供醉無一存者

馬和尚

前人

鸚鵡寺在城東北五十里周遭悉千年松檜幽靜為
宛溫梵刹第一余於三十年前避喧寺之聽講時有
馬和尚者混混沌沌沙彌中抱璞全真之選異之以
問老僧答曰夫夫也未知何許人笑於嘉慶初散髮
林間摘松子詰之誼孺不能言惟依稀吐一馬字憐
其痴收養之無法名衆呼為馬和尚教以釋典不省
聞叩魚聲但合掌作念佛狀令司牧事垂二十年矣

余曰是有靈蒂安知非羅漢化身曷留意跡之一日
雪後乍晴見馬首不戴笠袒背裸檢荷樵於肩叱犢
驅羊而出余曰和尚不畏寒乎點頭微笑以手指示
其暗時余年少喜動扶一奚童滑滑逐其後三五丈
外至牧所馬口中若曰止止止牛羊止不行一時皆
回首望馬馬畫地為牢已倚樑於樹側身向殘雪石
上曲肱而臥雅不辨余之逐其後也余擇一偃蓋亂
松令奴撲落松花撫之以覘其既於時耳濕濕角戢
戢類聚羣分嚙淺草於碎瓊散玉間無或越畔者非

誠能動物曷克臻此忽牛羊中一肥腩水牯與一犛
角而羸者鬪馬驚起持梃撻肥腩者撻擗之聲與叱
咤聲相響應梃中折仍分執其半若搥鼓然解乃已
余喟然曰鋤強扶弱如是如是使移馬之牧牛者以
牧民何虞頑梗不化哉性嫉惡有奸險負心者不論
僧俗視若讐寺隣某肆毒里閭而於馬實無所犯獨
相值目眦髮指輒飛石擊之又淫僧某多斜邪行馬
與為吳越若將浼焉一夕淫僧出馬稔其歸必夜半
也虛掩禪關搯戈而待比至擊之不中則裂吻狂吠

以戈指天者三又劃地者三已乃泥首佛前嗚嗚以
嘯似悼其力不勝邪也後舍故事結茅於山半居焉
至何時槃湟余遠宦未之知也噫和尚若馬者即以
為羅漢化身也可

跳神

前名

甲申冬余族食覃懷閱聊齋至跳神一則嘆其淋漓
盡致聲態俱有因憶吾鄉此風尤甚始猶市井為之
今則詩書門第亦有行之者其俗每冬十二月延巫
者十餘人於家總謂之慶神張燈綵換舊符焉巫者

以藍布代冠以紅布代帶所以成一家也其深之一
巫者年雖穉亦謂之老端公其淺之乎巫者年雖
亦謂之小端公所奉神有梅元帥者傳崇寧者傳
娘者均不可攷巫者則能詳其姓氏星宿家俗行
道之跡祭品則羊一豕一雞魚果餅惟其意焉神
設斗一升一斗實以穀升實以米穀謂之斗香
謂之插香米裹錢百枚加諸升斗之上曰插香
竟老巫以紙錢一握簪其首先揖主翁或行祭禮
子然後擊鐵鑼單面鼓搖鈴登場鼓淵淵

齒折如楊柳舞風頭搖動似花枝弄影獅虎牙
謁四方謂之淨壇既而縱隊高唱節短音長拍便
則支分派別弔古昔則室垣人遙一切仙佛扶
告謂之請神十里之內扶老携幼貿貿然來男女
觀門牆如堵謂之瞧神最可觀者削長竿三大許
絳色紙斗於頂或紅旗或黃旗或青白旗相間棚
絡繹成采謂之標先於門外空濶處供五方神如
帝赤帝之類一巫執竿前導眾巫擊鼓隨之其餘
相與俱徐其急也相與俱急五花八門作諸變

事者然爆竹馳其後巫者任其擲掄而步武無改
謂之跑標須臾樹標中央一巫握紅羽雉雞首其
故使鳴口吻嘆噉不甚了了突齧雞厚身首中分向
空擲去飛過竿頭血點點落旗上謂之祭旗之巫
執令旗率童男五童女二禹步咒祝謂之領兵能
神色慘變齒鳴目瞪四肢冰浸倒臥遺屍謂之神
於是鑼暫停鼓暫停擊觀者暫去巫者亦暫歇
嘗笑謂友人此或魯人獵較之遺意與少焉金鼓
鳴觀者復聚且較前紛鑼暫見燭光閃爍神靈

一巫攀龍首一巫曳龍尾一巫跨龍背更一小巫衣
短幅裙雙手然燈趨趨引逗飛騰上下不可端倪
巫從有唱四時節令歌鏗鏘節奏隨龍行立和舞之
聲響激雲漢謂之駕龍船其他若以足點地而左右
舞蹈謂之踩壇束草為人而灌以清酒謂之祭茅郎
呼死者而訴以衷曲謂之哭先鋒迨至猴部之中樂
以嫚罵聞者掩耳而彼且津津焉謂非不足博仙學
懽則其為神亦可知矣明日塗墨於面披紙錢數十
提手執竹鞭要途人於路而朴之人喧狗吠舉國若

狂甚或頭頸破裂無敢怒者主翁肅衣冠而迓謂之
接財神神曰增福增壽多子多孫牛馬成羣金銀滿
庫賜吉語如牟尼成串旋以剃刀剃頂其聲駭然血
流殷殷疊紙蘸之染作時鮮花樣粘諸門額謂之開
財門法事既竣老巫率諸弟子痛飲大嚼謂之散瀾
主翁具銅錢數千紅布巫各五尺布鞋布襪各一事
再拜致詞謂之謝神老巫三辭而後受命小巫先收
神像次收利市次及米穀雞魚果餅次及豬羊首並
四蹶肩挑背負拱手出門仍彈舊曲又過別院

陳貞女碑銘

貴州學院 韋業祥 桂林

貞女陳氏小字三姑世居安南縣安姑鄉少字廳屬
劉金鼎卜於咸豐己未于歸因兵變未成禮壬戌賊
陷安南金鼎於役被創卒三姑少失父母一弟昌霖
幼恃三姑撫之及得金鼎惡耗三姑大慟絕粒將自
殉昌霖跽泣亦不食三姑念僅一弟不得已隱忍不
死當同治初年黔盤以南久阻聲教郡邑並為賊踞
村堡間能自立者聚團自衛蕙若誦者或順賊為保
家計三姑家普安界上偪賊境日慄慄而已有中表

戚邱文壑者諸生也附安南賊帥盛傳三姑美以貢
諛為冰語焉以禮喻意者再三姑設詞拒謝卒不聽
庚午六月賊以甲卒健隊擁輿馬強迫之衆駭然三
姑乃慨然曰吾志一死久矣然今死於家禍且絕宗
族奈何於是重袞經竟登輿行及賊所厲責邱邱大
沮更前將有言三姑叱曰你你何足道所謂元帥者
誰特來請死耳有詰者曰請示乎三姑厲聲曰死
請死時賊方段義以來衆見不可犯乃轉咎邱曰
之三姑有伯父明星者家邑之官家殉守險與賊

三姑遂徙徙焉辛未四月朔不守三姑族兄昌銘昌
錄死於賊昌銘子能官於賊中呼曰吾父何在賊曰
殺之矣能官以首觸賊亦死之三姑聞變嘆曰吾久
當死以弟幼故延至今今不容不死矣遂與昌錄妻
龔氏女國珍夏珍並飲醜死歲癸酉余視學南籠昌
霖應童子試為余所首拔涕泣訴狀而乞余文之余
重女之貞於久而烈於終也為記其事以示後且銘
之曰

雙盤之間莽莽叢山天荆地棘擢此幽蘭匪天之荆

匪地之棘草勁欲彰維風斯疾哀彼貞姜生胡不辰
無因集苑有淚沾筠九十其儀髡髻我特奈何所天
執爰殉國君附國殤妾甘節死已分黃泉相從夫子
天段姜生延外氏宗女中要曰李文同風何期殘喘
終致厲階孰為虺蜴而鳩之媒黃鵠高翥鸞鳳非區
一尺樅笄竟探虎穴易水白衣驚心此別非哉大義
賊膽為寒秦廷一叱趙壁終完斂鳳翔霄整鯨得地
而今而後庶幾有豸胡天不庇巢廈遠傾天曰匪特
玉汝於成昔也助予猶聞將伯今也何堪一門毅侯

昔我未亡為延宗計今我不亡何思何美盈廷競節
醜也如飴諸姑伯姊樂莫樂兮大野風悲霜秋霜冷
蔚彼女貞後天而隕戟沙已沒塵鏡長埋寂然社宇
微曉猶哀使車采風憬然憑弔彤管傳之幽光有耀
城蓮嶽嶽塚樹蒼蒼貞靈永此以型其鄉

游丹霞山記

昆明胡壽彭舉人

去廳城三十里有山曰丹霞蓋普安之勝也其岑高
出衆山之上巒重嶂複紺宇珠宮自都人士女凡宦
游至普者無不知聞而嚮往之然而追王事賦身謀

卒卒無晰夕之閒則不暇游而山翁牧豎日出入於
烟霞浩渺之區習而相忘則不知有游遊若是難哉
予少有山水緣赤石帆海自謂頗饒謝公之興而是
蹟所至遇名山大川卒少游覽蒙心恥焉今歲重九
余慕游普安友人有言及丹霞之勝者遂命僮僕載
具出廳南門當作登高游會日薄暮直抵山下亟舍
鞍步行循山徑盤辟行路縈紆若蟠蚓樹皆高百餘
尺山崇道險又皆峻阪拾級以上高入雲際行者
必四五息喘汗竟趾神暝貽不自持倏忽黑雲

自天而下跳珠濺沫白雨傾注急奔入寺則老僧已
淪茗待卽下榻寺後進少憇出游雨漸開霽青天一
角微露日影渴虹飲澗晚霞際天雲烟晻靄出沒無
定陰晴變幻得未曾有心凝神釋顧盼自怡寺故峙
丹霞山頂規制宏麗佛殿供祖師相銅身高丈餘寺
僧傳是銅梁所鑄明時自滇飛來僧蹤跡至此得之
二虎環守僧參拜默祝虎竟去因以建寺然哉寺前
石壁雷擊作天北丹山四字大如盤殿左旁有花臺
廣十餘步寬二三尺上倚懸岩下臨絕壁仰睇出天

路俛瞰入無際彌望廣滌沃霞盪雲城郭村舍濃烟
數點而已昔司馬子長僑生平為文章大得江山之
助古人寄情邱壑不惜絕幽鑿險窮追造物者之奇
矧奇境在目前顧澹忘之可乎然後悔予向之過五
嶽經滄海而未能游有負天壤間各山水不少也其
明日飯罷從人敦促遂下山仍載具入南門歸是歲
光緒十有五年同游者王公定一王公少繅

普安直隸廳志卷二十二終



